

4124

ԼԵՐՈՆ ԸՍԵՔ

ՄԵՆԿԵԿԵՆ ԵՆԽԱՐԷ



Ա. ԳՐԳՐ

491.99-8

Շ-30

Anoush Barooshian
Anoush Barooshian


0 48

2000

491.99-8
Շ-30


425.21
Շ5.0 հս
օր 3

ՄԱՆԿԱԿԱՆ ԱԶԽԱՐՀ



Կազմեց
ԼԵՒՈՆ ՇԱՆԹ

ՍՈՒՐՑ ՆԵՐՍԷՍ ՇՆՈՐՀԱԼԻ
ՅԻՍՒԱԿՅԱՆ
1928
NERSES SHNORHALI
LIBRARY
ՏՊԱԳՐ. «ՀԱՅՐԵՆԻԲ»
ԲՈՍՏՈՆ



ԱՌԱՋԻՆ ՄԱՍ

1. ԼՈՒՍԱԳԱՅ

Լուսացաւ,
լուսացաւ.
լոյսն է բարին,
ծիտն է ծառին,
հաւն է թառին.
աշխատաւո՛ր, ելի՛ր բանի,
ծոյլի քունը կը տանի:

Լուսաբացը ատուրան ո՞ր ժամանակն է:
Ե՞րբ կ'ըսենք՝ բարի լոյս: Ինչո՞ւ կ'ըսենք: Եւ ինչո՞ւ է
լոյսը բարի:
Հաւը ե՞րբ կ'ըլլայ քառին վրայ. ինչո՞ւ. ի՞նչ բան է
թառը:



112857-42

2649-2011

2. ԵՐԿՈՒ ԿԱՐԾԻՔ

— Կեցի՛ր, ձեռքիս գործը շուտ մը աւարտեմ,
ետքը կ'երթանք կը խաղանք.— ըսաւ Զապէլը:

— Հիմա երթանք խաղանք, ետքը կու գաս շուտ
մը գործդ կ'աւարտես.— պատասխանեց Սիրանը:

Այս երկու աղջիկներէն ո՞րն է աւելի աշխատասէր: Ինչ-
ո՞ր:

Այս միեւնոյն պատմութիւնը այնպէս ըսէ՛, որ Սիրանը
աւելի աշխատասէր դառնայ:

Ի՞նչ ըսել է *աւարտել*:

Հոս ո՞րն է առաջին կարծիքը, ո՞րն է երկրորդ կարծիքը.

իսկ ո՞րն է երկրորդ կարծիքը:

Արտագրէ՛ ամբողջ պատմութիւնը:

3. ՈՒԼԻԿ

Կար ու չկար այժ մը կար: Կ'ապրէր խոր ան-
տառի մը մէջ: Ունէր գեղեցիկ ուլ մը: Ուլը ամեն
օր կը թողնէր տունը, ինքը կ'երթար արածելու:
Կ'արածէր եւ իրիկունը ծիծերը լեցուն կու գար տուն:
Կու գար, դուռը կը զարնէր ու կը կանչէր.

սեւո՛ւկ ուլիկ,

սիրո՛ւն ուլիկ,

ման եմ եկեր լեռնէ լեռ,

ուլիկիս կաթ եմ բերեր.

դունակը բա՛ց, ներս գամ ես,

անուշ — անուշ ծիծ տամ քեզ,

սեւո՛ւկ ուլիկ,

սիրո՛ւն ուլիկ:


Ուլիկը իսկոյն վեր կը ցատկէր, դուռը կը բա-
նար: Մայրը ծիծ կու տար անոր ու նորէն կ'երթար
արօտ:

Այս բոլորը կը տեսնէ գայլը:

Իրիկուն մը այժէն կանուխ կու գայ, կը զարնէ
դուռը ու իր հաստ ձայնովը կը կանչէ.

սեւո՛ւկ ուլիկ,

սիրո՛ւն ուլիկ,



ման եմ եկեր լեռնէ լեռ,
ուլիկիս կաթ եմ բերեր.
դունակը բա՛ց, ներս գամ ես,
անուշ — անուշ ծիծ տամ քեզ,

սեւո՛ւկ ուլիկ,

սիրո՛ւն ուլիկ:

Ուլիկը կը լսէ, կը լսէ ու կ'ըսէ:

— Ատ ո՞վ ես դուն. ես չեմ ճանչնար քեզի: Իմ մայրիկս այդպէս չի կանչեր: Անուշ ու բարակ ձայն ունի անիկա. քու ձայնդ կոշտ է ու կոպիտ: Չեմ բանար դուռը. գնա': Չեմ ուզեր քեզի:

Գայլը գլուխը կը կախէ ու կ'ելլէ կ'երթայ:

Քիչ մը ետքը կու գայ մայրը ու դուռը կը ծեծէ.

սեւո՛ւկ ուլիկ,

սիրո՛ւն ուլիկ,

ման եմ եկեր լեռնէ լեռ,

սեւուկիս կաթ եմ բերեր.

դռնակը բա՛ց, ներս գամ ես,

անուշ — անուշ ծիծ տամ քեզ,

սեւո՛ւկ ուլիկ,

սիրո՛ւն ուլիկ:

Ուլիկը դուռը կը բանայ, ծիծ կ'ուտէ ու մօրը կը պատմէ.

— Գիտե՞ս, մայրի՛կ, ի՞նչ եղաւ: Քիչ մը առաջ մէկը եկաւ, դուռը զարկաւ ու կը կանչէր՝ «սեւո՛ւկ ուլիկ, սիրո՛ւն ուլիկ»: Կ'ըսէր՝ դուռը բա՛ց: Այնպէս հաստ ձայն ունէր: Անանկ վախցայ, անանկ վախցայ... Դուռը չի բացի: Ըսի՛՜ չեմ ուզեր, գնա':

— Ա՛յ, ա՛յ, իմ սեւո՛ւկս, ի՛նչ աղէկ ես ըրեր, որ չես բացեր. — ըսաւ մայրը սաստիկ վախցած: — Այն եկողը գայլն է եղեր. եկեր է, որ քեզի ուտէ: Միւս անգամ որ գայ, նորէն չբանաս: Ըսէ՛՛ գնա՛, թէ չէ՛ հիմա մայրիկս կու գայ ու կ'ըսպաննէ քեզի իր սուր — սուր կոտորներովը:

Ո՞րն է անուշ ու բարակ ձայնին հակառակը:

Ի՞նչ ըսել է ծածուկ:

Մայրը ծիծ տալէն ետքը ինչո՞ւ կ'երթար արօտ:

Ի՞նչ ըսել է ման եմ եկեր լեռնէ լեռ:

Ի՞նչ ըսել է արածիլ: Ի՞նչ ըսել է արօտ:

Ի՞նչ բան է կոտորը. ինչո՞ւ համար է:

Պատմե՛՛ ուլիկի պատմութիւնը այնպէս, ինչպէս որ պիտի պատմէր գայլը իր բունին մէջ իր ձագուկին:

Պատմե՛՛ ուլիկի պատմութիւնը այն ձեւով, որ գայլը պատմաւ մը գտնէ իր ձայնի կոշտացած ըլլալուն, ուլիկը համոզուի, կարծէ թէ իր մայրն է ու դուռը բանայ:

Գրէ՛ — Միայն առաջին չորս տողը:

Գրէ՛ — Միայն ուլիկի տուած պատասխանը գայլին:

Գրէ՛ — Միայն վախցած մօրը տուած բացատրութիւնն ու խրատը:

4. ԼԱՄՊՆ ՈՒ ԱՐԵԻԸ

Փոքրիկ լամպ մը նոր էին վառեր ու դրեր էին բաց պատուհանին առջեւը:

Հոնկէ լամպը երկար նայեցաւ դուրս. հեռուն սարերուն ետեւը արեւը մայր կը մտնէր:

Նայեցաւ, նայեցաւ ու ըսաւ.

— Սուտ չէ եղեր, բարեկա՛մ, ինչ որ քու մասին կը պատմեն: Իրա՛ւ որ փառաւոր լոյս կու տաս.

թէ եւ ի հարկէ ինծի հասնիլ չես կրնար:

Հովը աս որ լսեց՝ ծիծաղը բռնել չի կրցաւ.

— Փո՛ւ, որ ըրաւ, լամպը մարեցաւ:

Ինչո՞ւ հովը ծիծաղը բռնել չի կրցաւ:

Փորձե՛՛ անգամ մը ծիծաղը բռնել:

Որո՞ւն կ'ըսենք բարեկամ:

Ինչպէ՞ս կ'ըլլայ փառաւոր լոյսին հակառակը:

Գրէ՛ միայն առաջին չորս տողը եւ տակը աւելցա՛ւր՝ «Յանկարծ հովը փչեց ու լամպը մարեցաւ:»

5. Վ Ե Ր Չ Ա Կ Է Տ

Իրիկուն մը տղան նստեր էր լամպի լոյսին տակը ու դասը կը սերտէր:

Քիչ մը ետքը ներս եկաւ մայրը, տեսաւ՝ տղան գըլուխը դրեր է սեղանին ու կը նիրհէ:

— Ի՞նչ ունիս, տղա՛ս, ինչո՞ւ չես աշխատիր.— հարցուց մայրը անհանգիստ:

— Վերջակէտի եմ հասեր, մայրի՛կ.— պատասխանեց տղան գլուխը բարձրացնելով:— Վարժապետս ըսաւ՝ վերջակէտի որ հասնիս, քիչ մը հանգի՛ստ առ:

Ի՞նչ էր իսկական պատճառը, որ տղան գլուխը դրեր էր սեղանին, իսկ կատակի համար ի՞նչ ըսաւ:

Ի՞նչ ըսել է նիրհել:

Ի՞նչ ըսել է սերտել:

Ասոր նմանընելով շինէ՛ ուրիշ պատմութիւն մը, ուր վարժապետը ըսած ըլլայ՝ «Դասիդ վրայէն քանի մը անգամ անցի՛ր:»

Գրէ՛ ամբողջ պատմութիւնը գրքին մէջ եղածին պէս, առանց տղու տուած պատասխանին:

6. Ժ Ա Մ Ա Յ Ո Յ Յ Ը

Առտու է:

Հանդարտ ու միակերպ կ'երթայ ու կու գայ պատին վրայի ժամացոյցին ճօճանակը:

— Ելի՛ր, մա՛նչս, ելի՛ր. արդէն եօթը զարկեր է.— ձայն կու տայ մեծ-մայրը թռռնիկին:

— Թո՛ղ քիչ մըն ալ քնանամ, մեծ մայրի՛կ.— կը խնդրէ երես առած տղան թեւերը ձգձգելով:— Դուն

չատ մի՛ հաւատար մեր ժամացոյցին. անիկա միշտ առաջ կը վազէ:

— Ո՛չ-ոչ, ո՛չ-ոչ.— կը պատասխանէ ժամացոյցը պատէն:

Իրիկուն է:

Մեր չարճըճին կը դառնայ



դարոցէն, կը հանէ վերարկուն ու գըլխարկը կը նետէ անդին:

— Ե՛-կաւ, Է՛-կաւ.— բարեւ կու տայ ժամացոյցը:

— Վա՛յ, աս ի՛նչ կանուխ է դեռ.— կը բացականչէ տղան դժգոհ՝ ժամացոյցին դէմ մը կեցած:— Հայրիկս ե՞րբ պիտի գայ, որ հաց ուտենք: Քիչ մը շո՛ւտ քալէ, ա՛ ժամացոյց. շատ եմ անօթի:

— Ե՛ս-ոչ, Է՛ս-ոչ.— կը ծաղրէ ժամացոյցը իր երկար ճօճանակը հանգիստ աջ ու ձախ շարժելով:

Ուշ գիշեր է: Սմենուն քունը կը տանի. կը պատրաստուին պառկելու:



Տղան նոր կը յիշէ, որ դեռ դաս ունի սորվելու:
Արագ կը բերէ պայուսակը, կը հանէ գրքերը ու կը
նստի կարդալու:

Ժամացոյցը դիմացի պատէն կը նայի անոր պըզ-
տիկցած աչքերուն ու ծանր կը կրկնէ.

— Պա՛-ճիկ, պա՛-ճիկ:

Ի՞նչ ըսել է՝ ծաղրել:

Ի՞նչ է անօթիին հակառակը:

Ի՞նչ ըսել է՝ կը ճօճուի աջ ու ձախ:

7. ԺԱՄԸ ԻՆԸ

Ծերուկ Գունը կէս-արթուն,
մեծ վերմակ մը փաթթուեր,
կ'անցնի արագ տունէ տուն,
սանդուղներէն վար ու վեր:

Ու կը զարնէ կամացուկ
պատուհանին, դռներուն.
կը փրնտոէ ծակ ու ծուկ,
որ ձայն տայ ներս ամենուն.

«Ժամը ինը զարկէ՛ր է.
ձեր փոքրիկը պառկե՞ր է:»

Ի՞նչ ըսել է ձայն տալ:

Ի՞նչ ըսել է տունէ տուն:

Ան ինչո՞ւ կ'ուզէ, որ փոքրիկները ժամը իննին պառկին:

Մարդիկ ինչո՞ւ կը պառկին, ինչո՞ւ կը քնանան:

Պատմէ՛ ամբողջ պատմութիւնը քու խօսքերովդ:

Եւ արտագրէ՛ ամբողջ ոտանաւորը:

Ըսէ՛ ուրիշ բան մը, որ մէջը ըլլայ աջ ու ձախ:

Ուրեմն ի՞նչ կը նշանակէ աջ ու ձախ:

Պատմէ՛ միեւնոյնը, բայց առանց ժամացոյցը խօսքըն-
լու, դուրս ձգելով ժամացոյցին ըսածները:

Պատմէ՛ այդ տղուն կեանքը առտուն, իրիկունը եւ գիշերը,
առանց սակայն ժամացոյցը մէջ խառնելու. պատին վրայ ժա-
մացոյց չկայ:

Գրէ՛ ինչ որ ըստ տղան ժամացոյցին, երբ դպրոցէն եկաւ:

Գրէ՛ ինչ որ ըբար տղան ուշ գիշերին:

8. ԺԻՐ ԱՇԽԱՏԱԻՈՐ ՄԸ

Թի՛կ - Թակ, Թի՛կ - Թակ,
ան ո՞վ է հոն
ապակիին տակ:

Ժիր ու արթուն
կ'աշխատի,

Թէ՛ լոյսի տակ
Թէ՛ մութի:

Թի՛կ - Թակ, Թի՛կ - Թակ,
ան ո՞վ է հոն
ապակիին տակ:

Ի՞նչ է այդ աշխատարին անունը. ինչո՞ւ:

Ինչո՞ւ է ապակիի տակ:

Ի՞նչ տեսակ մարդուն կ'ըսենք Ժիր:

Իսկ ի՞նչ է արթունի հակառակը:

9. ԽՈՒԼ ԻՍԱԿԸ

Ծերունի Իսակը խոսւի էր, շատ ծանր կը լսէր:

Տոպրակ մը կաւ առեր էր շալակը ու կ'երթար տուն:

Աշուն օրեր էին, անձրեւոտ օրեր եւ ծերունի Իսակը անակը կը կաթկթէր: Կաւը կը տանէր, որ կտուրին ձեղքերը ծեփէ:

Յանկարծ փողոցին մէջ անծանօթ մէկը սկսաւ ետեւէն կանչել.

— Խնամի՛, ա՛ խնամի, տեսա՞ր մեր շունը:

Իսակը կեցաւ, դարձաւ ետ եւ ըսաւ.

— Աշո՞ւնը: Հապա եկա՛ւ աշունը:

— Զգէ՛ աշունը: դուն իմ պատասխանս տո՛ւր.— վրայ բերաւ անծանօթը:— Տե՛ս, ո՛ւշ է, ո՛ւշ:

— Մըճո՛ւշ. ան ալ ինչպէ՞ս. ե՛ւ մըճո՛ւշ, ե՛ւ անձրեւ... .

— Ես ի՞նչ շունս կը հարցընեմ, ա՛յ մարդ. այս կողմ եկաւ, է՛:

— Կա՛ւ է, դտա՛ր. շալակինս կաւ է:

— Խեւ է այս մարդը.— ըսաւ շան տէրը.— խեւ է կամ խոսլ:

— Այո՛, խարխուլ, խարխուլ, ամբողջ տնակս. պատերն ալ, կտուրն ալ. նայէ՛, կը տանիմ, որ ձեղքերը ծեփեմ:

Շան տէրը բարկացաւ ու հայհոյեց.

— Ծեփեմ ես քու գլուխդ այս քարով:

— Երթա՛ս — բարով. շատ շնորհակալ եմ. դուն ալ երթա՛ս — բարով.— պատասխանեց ծերունին ժպտելով:

Որո՞ւն կ'ըսեմք խոսլ:

Ի՞նչ պիտի ընեմք, որ դառնայ ծեփել:

Ի՞նչ պիտի ըլլայ տունը, որ դառնայ խարխուլ:

Խեւին սովորաբար ի՞նչ կ'ըսեմք:

Խնամի ըսելու տեղ ուրիշ ինչ կրնար կանչել մարդուն ետեւէն:

Մշուշ եղած ատենը ինչպէ՞ս կ'ըլլայ փողոցը:

Պատմե՛ այս դէպքը այնպէս, ինչպէս որ խուլ Իսակը իրիկունը պատմեց իր կնոջը:

Պատմե՛ այս դէպքը այնպէս, ինչպէս որ քիչ մը ետքը շան տէրը պատմեց իր ընկերոջը:

Գրե՛ միայն առաջին մասը մինչեւ անծանօթ մարդուն հանդիպելը՝

10. ԿՈՒՒԱԶԱՆ ԸՆԿԵՐԸ

— Կտրեմ, կտրեմ, անդին դնեմ.— ըսաւ դանակը:

— Տանիմ, տամ ու ետ դամ.— վրայ բերաւ պատռաքաղը:

— Ես ջրկիր եմ, ջուր կը կրեմ.— պատասխանեց դգալը:— Ե՞ս ձեզի հետ ինչ գործ ունիմ, որ իմ կոթէս չէք բաժնըւիր:

Դանակն ու պատռաքաղը ինչո՞ւ դգալին քովէն չեն բաժնըւիր:

Ըսե՛ այդ երեքէն ամէն մէկուն ինչու համար ըլլալը, միայն ո՛չ խօսակցութեան ձեւով:

Եւ քու ըսածդ գրի առ:


11.— ՄԵՂՐ ՈՒ ՉԱՄԻՉ

Մեղրի համը մատիկ — մատիկ,
չամիչինը՝ հատիկ — հատիկ.
համը տեսան, համը տեսան,
ամանին տակը տեսան:

Այս չորս տողին մէջ ի՞նչ է ըսուած:

Ի՞նչ տեսակ բաները կ'ուտենք հատիկ — հատիկ:

Մեղրը ինչպէ՞ս կ'ուտենք: Ինչո՞ւ համար է ըսած մատիկ —
մատիկ:



12. ԵՐԵՔ ԱՐՉԵՐԸ

Ժամանակով երեք արջ կար: Ատոնք կ'ապրէին
հեռու անտառի մը մէջ:

Առաջինը հայրն էր. մեծ-մեծ արջ մը: Երկրորդը
մայրն էր. միջնակ-չափի արջ մը: Իսկ երրորդը ձա-

գուկ էր. պզտիկ-պզտիկ արջուկ մը, մանրիկ եւ կար-
մըրիկ աչուկներով:

Այս երեք արջերը անտառին մէջ տնակ մը ունէին:
Տնակին վարի յարկը խոհանոցն էր: Խոհանոցին մէջ-
տեղը սեղան մը կար եւ շուրջը երեք հատ աթոռ: Ա-
ռաջինը բարձր-բարձր աթոռ մը. երկրորդը միջնակ-
չափի աթոռ մը. իսկ երրորդը փոքրիկ-փոքրիկ աթոռ
մը:

Վերի յարկը ննջարանն էր: Ննջարանին մէջ կար
երեք հատ անկողին: Առաջինը խոշոր-խոշոր անկողին
մը. երկրորդը միջնակ-չափի անկողին մը. իսկ երրոր-
դը պզտիկ-պզտիկ անկողին մը:

Առտու մը մայր արջը կաթն ու մեղրը եփ տուաւ,
լեցուց թասերը ու դրաւ սեղանին վրայ, որ քէչ մը
պաղի: Առաջինը մեծ-մեծ թաս մը. երկրորդը միջնակ-
չափի թաս մը. իսկ երրորդը պզտիկ-պզտիկ թասիկ
մը:

Թասերը լեցուց. եւ իրենք երեքով ելան դուրս տն-
տառին մէջ կարճ պտոյտ մը ընելու, մինչեւ որ կաթ-
նապուրը հովանար:

Երեք արջերը նոր էին հեռացեր, որ եկաւ փոքրիկ
ու սիրուն ոսկի-դանդուր աղջիկ մը: Ան անտառ էր ե-
լեր առտուն շատ կանուխ, կորսընցուցեր էր ձամբան
ու հիմա շատ յոգնած էր եւ անօթի:

Տեսաւ բաց էր տնակին դուռը, մտաւ խոհանոց.
տեսաւ երեք աթոռ ու երեք լեցուն թասեր սեղանին վը-
րայ:

— Աս ի՞նչ աղուոր բան է. — մտածեց ոսկի-դան-
դուր աղջիկը: — Ապուրը կայ, ուտող չկայ. ա՛յ, ես
ալ ուտող:

Մօտեցաւ մեծ արջի աթոռին, աթոռը շատ էր
բարձր. փորձեց անոր սպուրը, ձգեց ու հեռացաւ: Մօ-

տեցաւ միջնակ արջի աթոռին, անոր աթոռն ալ նորէն շատ էր բարձր. անոր ապուրն ալ փորձեց, ձգեց, հեռացաւ: Մօտեցաւ փոքրիկ արջուկի աթոռին. աթոռը ճիշտ իր չափին էր, թէեւ քիչ մը ճռճուաց, երբ աղջիկը վրան ելաւ: Աղջիկը ելաւ, նստաւ ու փառաւոր մաքրագարդեց փոքրիկ արջուկին ուտելիքը: Երբ վերջացուց՝ սկսաւ քունը տանիլ:

Բարձրացաւ տան վերին յարկը եւ փորձեց բոլոր անկողինները: Բայց մեծ արջին անկողինը շատ կոշտ էր: Փորձեց միջնակ արջի անկողինը. ան ալ փափուկ չէր: Ելաւ վերջապէս փոքրիկ արջուկին անկողինը. հրաշալի էր, ճիշտ իրեն համար: Պառկեցաւ վրան ու քնացաւ:

Հազիւ քնացաւ, որ երեք արջերը տուն վերադարձան: Շիտակ մտան խոհանոց եւ մեծ-մեծ արջը ըսաւ հաստ-հաստ ձայնով մը.

— Աս ո՞վ է նստեր իմ աթոռիս վրայ:

Երբը խօսեցաւ միջնակ-չափի արջը միջնակ ձայնով մը.

— Աս ո՞վ է նստեր իմ աթոռիս վրայ:

Իսկ փոքրիկ արջուկը պոռաց բարակ-բարակ ձայնով մը.

— Աս ո՞վ է նստեր իմ աթոռիս վրայ: Վա՛յ, նայեցէ՛ք, կոտորեր է:

Այն ատեն մեծ-մեծ արջը ըսաւ հաստ-հաստ ձայնով մը.

— Ո՞վ է ձեռք տուեր իմ ապուրիս:

Ու միջնակ արջը ըսաւ միջնակ ձայնով մը.

— Ո՞վ է ձեռք տուեր իմ ապուրիս:

Իսկ փոքրիկ արջուկը բացականչեց բարակ-բարակ ձայնով մը.

— Ո՞վ է համը տեսեր իմ ապուրիս: Ու կերե՛ր է, կերեր է, բոլորը կերեր է:

Երեք արջերը վաղեցին սանդուղներէն վեր:

Երբ մտան ննջարան մեծ-մեծ արջը ըսաւ իր հաստ

-հաստ ձայնովը.

— Աս ո՞վ է պառկեր անկողնիս վրայ:

Ու միջնակ արջը ըսաւ իր միջնակ ձայնովը.

— Աս ո՞վ է պառկեր անկողնիս վրայ:

Իսկ փոքրիկ-փոքրիկ արջուկը պոռաց իր բարակ-բարակ ձայնովը.

— Աս ո՞վ է պառկեր անկողնիս վրայ: Ա՛յ, տեսէ՛ք, հոս է, հոս է:

Այս աղմուկին վրայ, վախցած, վեր ցատկեց քունէն ոսկի-դանդուր աղջիկը, շիտակ դուրս նետուեցաւ պատուհանէն ու անտառին մէջ աներեւոյթ եղաւ:

Եւ անկէ ետքը երեք արջերը ալ բնաւ չտեսան այդ աղջկան երեսը:

Ի՞նչ բանի համար են թասն ու բաժակը. քասը ինչո՞վ կը տարբերի բաժակէն:

Ի՞նչ պիտի ընէ մէկը, որ ըսենք՝ պառկեցաւ. ան ի՞նչ պիտի ընէ, որ ըսենք՝ քնացաւ:

Ի՞նչ ըսել է՝ փառաւոր մաքրագարդեց:

Ի՞նչ ըսել է՝ հրաշալի էր:

Ի՞նչ ըսել է՝ աներեւոյթ եղաւ:

Պատմէ՛ ոսկի-գանգուր աղջկան բերնէն, այսինքն իբրեւ թէ ոսկի-գանգուրն է, որ կը պատմէ մեզի իր գլխուն եկածը:

Պատմէ՛ քու բերնէդ, միայն այդ երեքը ո՛չ թէ արջեր ըլլան, այլ բոլորն ալ իսկական մարդիկ. եւ պատմութիւնը վերջացո՛ւր ինչպէս որ ինքը կը կարծես:

Մէկդի դի՛ր արջերն ու մարդիկը եւ անոնց ըրածը. նկարագրէ՛ միայն անտառին մէջի այդ փոքրիկ տնակը եւ իր կաները:

2649-2011



Միտքդ բե՛ր ինչ որ ըսուած է այդ փոքրիկ ոսկի-գանգուր աղջկայ մասին եւ աշխատե՛ մտքիդ մէջը լաւ մը պատկերացրնես . եւ ըսե՛ ինչպէս որ պատկերացուցիր՝ իր դէմքը, մագերը, հասակը, շարժումները, հագուստը :

Գրե՛ 1) քէ ի՞նչ կար տնակին վարի յարկը :

2) քէ առտու մը մայր արջը ինչպէ՞ս կաթնապուր պատրաստեց, ո՞ւր դրաւ, իրենք ո՞ւր գացին եւ ինչո՞ւ :

3) քէ ինչպէս աղջիկը մօտեցաւ արձունքուն եւ ինչպէս մաքրագարդեց փոքրիկ արջուկին ուտելիքը :

4) քէ ի՞նչ կար տնակին վերի յարկը եւ ի՞նչ ըրաւ աղջիկը փոքր կշտացրնելէն ետքը :

13. ՄԷԿ-ԵՐԿՈՒ-ԵՐԵՔ


*Մէկ, երկու, երեք,
փրթեցէ՛ք, կերէ՛ք,
չորս, հինգ, վեց, եօթը,
երբ տաք է օդը,
ութը, ինը ու տասը,
թթու թանով սպասը :*

Ի՞նչ բան է սպասը : Ինչո՞վ կը տարբերի *սպուրէն* : Ինչո՞վ կը տարբերի *կաթնապուրէն* : Այս երեքը ինչո՞վ են իրարու նման :

Ինչո՞ւ կ'ըսէ՝ «երբ տաք է օդը» :

Ի՞նչ պիտի ընենք, որ դառնայ *փրթել* :

Գրե՛ մէկէն մինչեւ տասը տառերով, բով բովի, ստորակէտներով իրարմէ գատուած :



14. ՁԻ ՆՍՏՈՂԸ

— Արշա՛կ, դուն բնաւ ձի նստա՞ծ ես. — Հարցուց Գարբիէլը իր ընկերոջը :

— Չէ՛, ես միայն անգամ մը է՛չ եմ հեծեր. եղբայրս նստեցուց :

— Ո՞ւհ, էջն ալ ի՞նչ բան է. — ծաղրեց Գարբիէլը :

— Իսկ դուն ձի նստա՞ծ ես. — Հարցուց Արշակը իր հերթին :

— Շա՛տ. — պատասխանեց Գարբիէլը հպարտ :
— Միայն փայտէ ձի :

Միտքդ բե՛ր ինչ որ ըսուած է այդ փոքրիկ ոսկի-գանգուր աղջկայ մասին եւ աշխատե՛ մտքիդ մէջը լաւ մը պատկերացընես . եւ ըսէ՛ ինչպէս որ պատկերացուցիր՝ իր դէմքը, մագերը, հասակը, շարժումները, հագուստը :

Գրէ՛ 1) թէ ի՞նչ կար տնակին վարի յարկը :

2) թէ առտու մը մայր արջը ինչպէ՞ս կաթնապուր պատրաստեց, ո՞ւր դրաւ, իրենի ո՞ւր գացին եւ ինչո՞ւ :

3) թէ ինչպէս աղջիկը մօտեցաւ աթոռներուն եւ ինչպէս մաքրագարդեց փոքրիկ արջուկին ուտելիքը :

4) թէ ի՞նչ կար տնակին վերի յարկը եւ ի՞նչ ըրաւ աղջիկը փորը կշտացընելէն ետքը :

13. Մէկ-ԵՐԿՈՒ-ԵՐԵՔ


*Մէկ, երկու, երեք,
Վրթեցէ՛ք, կերէ՛ք,
չորս, հինգ, վեց, եօթը,
երբ տաք է օդը,
ութը, ինը ու տասը,
թթու թանով սպասը :*

Ի՞նչ բան է *սպասը* : Ինչո՞վ կը տարբերի *ապուրէն* : Ինչո՞վ կը տարբերի *կաթնապուրէն* : Այս երեքը ինչո՞վ են իրարու նման :

Ինչո՞ւ կ'ըսէ՛ «երբ տաք է օդը» :

Ի՞նչ պիտի ընենք, որ դառնայ *վրթել* :

Գրէ՛ մէկէն մինչեւ տասը տատերով, բով բովի, ստորակէտներով իրարմէ գատուած :



14. ՁԻ ՆՍՏՈՂԸ

— Արշա՛կ, դուն բնաւ ձի նստա՞ծ ես .— Հարցուց Գաբրիէլը իր ընկերոջը :

— Ձէ՛, ես միայն անգամ մը է՛չ եմ հեծեր . եղբայրս նստեցուց :

— Ո՞ւհ, էշն ալ ի՞նչ բան է .— ծաղրեց Գաբրիէլը :

— Իսկ դուն ձի նստա՞ծ ես .— Հարցուց Արշակը իր հերթին :

— Շա՛տ .— պատասխանեց Գաբրիէլը հպարտ :
— Միայն փայտէ՛ ձի :

Ինչո՞ւ Գաբրիէլի պատասխանը ծիծաղ կը շարժէ:
 Ինչո՞ւ համար Գաբրիէլը ծաղրելի կը գտնէր էշ նստելը
 եւ ինչո՞ւ կը հպարտանար ձի նստած ըլլալուն:
 Ի՞նչ ըսել է՝ *հեծնել*:
 Ի՞նչ ըսել է՝ *իր հերթին*:
 Համեմատէ՛՛ ձիւն ու էշը իրարու. ինչո՞վ են նման եւ ին-
 չո՞վ են տարբեր իրարմէ՛ քէ՛ կազմով, քէ՛ ուժով եւ քէ՛ գոր-
 ծով:

15. ԶԻՆ ԵՒ ԻՐ ՊՈԶԸ

*Փոքրիկ Ռուբրիկը ձի մը ունէր ցած,
 ձին ալ ետեւէն՝ պոչ մը փառաւոր:*
*Իր չորս անիւին վրայ պինդ հեծած
 ու գլտոր — գլտոր
 երբ ձին կը քալէր
 թելին ետեւէն, տեսնելու բան էր:*

*Փոքրիկ Ռուբրիկը կանչեցին այգի.
 Ժամերը անցան խաղով, շատ աղուոր:*
*Բայց ուրախ օրը դարձաւ օր սուգի.
 շատ փընտրուեցին
 բայց կորսուեցաւ
 ձին ու ետեւէն պոչը փառաւոր:*

*Փոքրիկ Ռուբրիկը գիշեր մը տեսաւ,
 որ չորս անիւովն իր գլտոր-գլտոր
 ձին ինքնիրենը եկաւ տուն հասաւ.
 միայն ամիսո՛ւս օր
 երազ էր, անցաւ
 ձին ու ետեւէն պոչը փառաւոր:
 Օր մըն ալ իրաւ ձին գըտնըւեցաւ*

*այգին թուփերուն մէջէն հեռաւոր:
 Միայն մէկ բան մը պատճառեց խոր ցաւ
 փոքրիկ Ռուբրիկին.
 վերադարձաւ ձին,
 բայց ո՛չ ետեւի պոչը փառաւոր:*

Ինչպէ՞ս պիտի ըլլայ պոչ մը, որ ըսեմք *փառաւոր* պոչ:
 «Սուգի օր». ի՞նչպէս կ'ըլլայ հակառակը. ուրեմն ի՞նչ
 ըսել է *սուգ*:
 «Ետք ցաւ պատճառեց». ուրիշ կերպով ինչպէ՞ս կրնաս ը-
 սել:

Ի՞նչ բան է *թուփը*:
 Այգին ինչո՞վ կը տարբերի *պարտեզէն*. իսկ ինչո՞վ
 ատոնք նման են իրարու:
 Պատմէ՛՛ քու խօսքերովդ եւ ինչքան կրնաս քեզմէ վրան
 բաներ աւելցընելով, միայն չշեղուիս եղած պատմութեանէ:
 Զին քող պատմէ Ռուբրիկին, ինչ որ իր գլխէն անցեր է
 եւ ինչ որ ինքը զգացեր է այգիին մէջ մինչեւ գտնուիլը:
 Նկարագրէ՛՛ քէ ինչպէս ձի գտնուեցաւ. ո՞վ գտաւ, ինչ-
 պէ՞ս եղաւ որ գտաւ, ինչպէ՞ս բերաւ Ռուբրիկին եւ Ռուբրիկը
 ի՞նչ ըրաւ:

16. ՊԱՐՈՆ ԳԼԽԱՐԿԸ

— *Ես ալ արդէն մեծ պարոն եմ. —*
վճռեց փոքրիկ Գեղամը, դրաւ մեծ
հայրիկի լայն գլխարկը, ձեռքերը
կոխեց դրպանը ու երթալ կ'ուզէր:
Գոռն սեմին վրայ դէմը ելաւ մեծ
հայրիկը ու խնդաց.
 — *է՛յ, պարոն՝ն գլխարկ, պարոն՝ն*
գլխարկ, ատ ո՞ւր կը տանիս իմ Գե-
ղամս:




«Գեղամը վնոեց», այսինքն ի՞նչ ըրաւ :

Ե՞րբ կ'ըսենք մէկուն պարոն :

Իսկ որո՞ւն կ'ըսենք տիկին, եւ որո՞ւն օրիորդ :

Նմանուելով շինէ՛ պատմութիւն մը. տղուն տեղը պզտիկ աղջիկ մը. գլխարկին փոխարէն ֆուրիկի երկար շրջագգեստը. մեծ-հայրիկի տեղն ալ մեծ ֆուրիկը, որ ամուսնացած է :

17. ԽՈՍՐՈՎԻՆ ՄԱՐԴԸ



Խոսրովը որ մեծնայ՝ անպատճառ նկարիչ պիտի դառնայ : Միշտ մատիտը ձեռքն է : Կը նկարէ ու գիծեր կը քաշէ ուր որ պատահի, գրքերու լուսանցներուն վրայ, տետրակներու մէջ, գրասեղանի երեսին եւ մինչեւ անգամ պատերու ու դռներու վրայ :

Խոսրովը ամենէն աւելի մարդ նկարել կը սիրէ, մանաւանդ պատերուն վրայ : Եւ գի-

տէ՞ք ինչպէս կը նկարէ :

Նախ կ'ըր, խոշոր գնդակ մը. գնդակին վրայ լայն բերնով լուսին մը. գնդակին տակը երկու երկար արագիլի տոտիկներ. վերն ալ երկար-բարակ մէյ-մէկ ճիւղ ամէն մէկ ուսին :

Եւ տեսէ՛ք, պատին վրայ կեցեր է մարդը, բացեր է թեւերը ու կը խնդայ Խոսրովի երեսին :

Ինչպէ՛ս ուրախ է, որ նկարուած է :

Գրքի ու տետրակի ո՞ր մասին կ'ըսէք լուսանցը :


Ո՞րն է գրքի մը երեսը, կողը, կազմը, շապիկը :

Դուն որ մեծնաս ի՞նչ պիտի դառնաս. ի՞նչ կ'ուզէիր որ դառնաս. ինչո՞ւ :

Պատմէ՛ք է ինչպէս անգամ մը հոսրովը բարձրացաւ հայրիկի գրասեղանին առջեւը եւ ինչո՞վ, ինչպէ՞ս, ի՞նչ նկարեց հայրիկի հաշիւներու մեծ տետրակին մէջ եւ ինչո՞վ վերջացաւ պատմութիւնը :

Գրէ՛ միայն այն մասը, ուր բուռած է թէ հոսրովը որ մեծնայ ի՞նչ պիտի դառնայ եւ թէ ան ի՞նչ բաներու վրայ կը նկարէր :

18. ԱՐԵՒ ՈՒ ԼՈՒՍԻՆ



Լուսմարիկը զրկեց իր աղջիկն ու տղան, որ հերթով հսկեն աշխարհի վրայ, մէկը ցերեկը, միւսը գիշերը : Աղջկան անունը Արեւ էր, տղունը՝ Լուսին :

— Քուրի՛կ, ես ցերեկը երթամ, դուն գիշերը, հա՞մ. — ըսաւ չարածըճի Լուսինը :


— Չէ՛ : ես աղջիկ եմ, գիշերը կը վախնամ. — հակառակեցաւ սիրուն Արեւը :

Եւ քոյր ու եղբայր կռուեցան ու նորէն եկան իրենց մօր վրայ:

Մայրը խմոր կը հունցէր: Ըսաւ.

— Դուն գիշերը գնա՛, Լուսնիկ: Արեգը աղջիկ է, կը վախնայ:

— Չէ՛, ի՞նչ բնեմ թէ կը վախնայ.— յամառեցաւ Լուսինը, չըթունքները ուռեցուց ու կեցաւ:— Չե՛մ երթար:



Լուսմարիկը բարկացաւ, ձեռքերը հանեց խմորէն եւ ապտակ մը իջեցուց իր կամակոր աղուն:

Լուսինը սրգողեցաւ, խմորոտ երեսով դուրս ելաւ ու գնաց իր ճամբան:

— Դէ՛, դուն ալ գնա՛ ցերեկը.— դարձաւ մայրը սիրուն Արեւին:

— Յերեկն ալ կ'ամ չնամ, մայրի՛կ. ամենքը երեսս կը նային.— ըսաւ Արեւը ու շիկնած կեցեր էր մօրը քովը:

Այն ատեն Լուսմարիկը բռւռ մը ասեղ տուաւ անոր:

— Ա՛ն այս ասեղները, ըսաւ, ով երեսդ նայի, ծակէ՛ անքերը:

Այն օրուրնէ Լուսինը դուրս կ'ելլէ գիշերները եւ միշտ խմորոտ երեսով, իսկ արեւը կը չըջի ցերեկը ու թող չի տար, որ երեսը նային: Մօրը տուած ասեղներով կը ծակծկէ նայողին անքերը:

Ի՞նչն ու ինչը պիտի խառնեմ իրարու, որ դառնայ խմոր: Խմորը ի՞նչ պիտի ընեմ, որ դառնայ հունցել:

Ինչպէ՞ս կ'անուանեմ այն երախան, որ ամեն բանէ կը վախնայ: Ինչպէ՞ս կ'անուանեմ այն երեխան, որ ամեն բանէ կ'ամչնայ:

Ի՞նչ տեսակ մարդը կ'անուանեմ կամակոր: Կամակորի տեղ ուրիշ ինչպէ՞ս կ'ըսեմ:

Շրթունքները ուռեցրնելը ինչի՞նչն է:

Ի՞նչ ըսել է՝ շիկնել. եւ ինչի՞նչն է:

Սրգողելու փոխարէն ուրիշ ի՞նչ կ'ըսեմ:

Ձեռքիդ ի՞նչ դիրք պիտի տաս, որ դառնայ բռւռ:

Պատմէ՛ այս դէպքը լուսնի բերէն ու լուսնի հասկացողութեամբ:

Պատմէ՛ այս դէպքը Արեւի բերէն ու Արեւի հասկացողութեամբ:

Գրէ՛ այն կտորը, երբ քոյր ու եղբայր իրենց մօր վրան եկան մինչեւ Լուսնի ապտակ ուտելը:

Գրէ՛ միայն մօր ու աղջկան խօսակցութիւնը եւ ասեղներու պատմութիւնը:


19. ՅՕՂԻԿՆԵՐՆ ՈՒ ՇՈՂԻԿՆԵՐԸ

Թուփին վրայ շարուեր էին
ցօղիկները, ինչպէս գոհար-
պղտիկ աղջիկն ալ կը խնդրէր
այդ կայծկլտուն
ու գոյնզգոյն
Գոհարներէն անհամար
գոնէ հատ մը իրեն համար:

Բայց արեւը խնդաց վերէն,
տաքուկ շողերն իր դրկեց վար,
որոնք եկան ու ժողվեցին
այդ կայծկլտուն
ու գոյնզգոյն
գոհարները անհամար
եւ տարին վեր անո՛ր համար:

Յօղը ինչի՞ կը նմանի. ինչո՞ւ:
Ի՞նչ ըսել է գոհար, գոհարեղէն:
Արեւը ինչո՞ւ խնդաց վերէն:
Արեւի շողին ուրիշ ի՞նչ կ'ըսենք:
Ի՞նչ ըսել է կայծկլտուն ու գոյնզգոյն:
Պատմէ՛ քու խօսքերովդ եւ քիչիկ մը աւելի լրացընելով,
բացատրելով:

Արտագրէ՛ ամբողջը:



20. ՄԵՐ ԲԱԿԻ ԶԻՆՈՒՈՐՆԵՐԸ

Աստուած սիրես, սըւոնց նայէ՛, ինչպէ՛ս շար-
ուեր են իրար ետեւէ. Երուանդը, Մանուէլը, Յա-
րութիկը, սա Պետիկը, ան կարճլիկը, ամբողջ գունդ
մը: Ան ինչպէ՛ս ալ հագուեր, սքուեր են. իրա՛ւ որ
զինուոր:

Իսկ ան ո՞վ է հոն, որուն ամենքը բարեւ կու
տան, որուն գօտիէն կախուած է փայտէ սուրը: Ա՛,
սպայ է եղեր, նայէ՛, ինտո՛ր հրամաններ կու տայ:
Եւ ինչպէ՛ս զուարթ «կեցցէ՛» կը պրուան բոլորը:
Կեցցե՛ն մեր բակի զինուորները:

Զինուորները ինչպէ՞ս պիտի ըլլան, որ դառնան գունդ:
Զինուորներու ինչի՞նչ կ'ըսենք սպայ:
Ի՞նչ ըսել է զուարթ:
Ե՞րբ կը պրուանք «կեցցէ՛»:
Զինուորներէն մէկը քող պատմէ՛, քէ ինչպէս իրենք
զինուոր կը խաղային բակին մէջ. եւ քիչ մը աւելի մանրա-
մասն կերպով:
Պատմէ՛ միեւնոյն բանը սպայի բերնէն:
Գրէ՛ միայն այն մասը, ուր սպայի մասին կը խօսուի:

21. ԱՆՈՒՆ — ԿԱՊՈՒԿ

Կատուն եկաւ մինչ, մինչ — Արմինչ:
 Ըսի, ըսաւ — Եսաւ:
 Կը տաշես, հա', կը տաշես — Արտաշէս:
 Շատ կը սիրէ սեր ու անուշ — Սիրանուշ:
 Կարեմ կարպետ, կարեմ կարպետ — Կարապետ:
 Հազար ու դազար — Ղազար:
 Ունիք — չունիք — Նունիկ:
 Վեր կարդան, վար կարդան — Վարդան:
 Այբուբենիկ — Արփենիկ:
 Անվերջ խօսի, քսի-փսի — Արաքսի:

Արմինէի ֆալուածքը ո՞ր կենդանիին կը նմանի եղեր:
 Ի՞նչ տեսակ տղայ է եղեր Արտաշէսը. իսկ Վարդա՞նը:
 Եսաւն ու Արաֆսին ինչո՞վ են իրարու նման:
 Կարպետը ի՞նչ տարբերութիւն ունի գորգէն:
 Կարապետի արհեստը ի՞նչ է եղեր:
 Ղազարը ո՞ր բոյսերը շատ կը սիրէ եղեր:
 Գազարը ի՞նչ տեսակ բոյս է. անկէ ի՞նչ կը պատրաստեն.
 Իսկ հազարը:

Փոքրիկ Արփենիկին ինչո՞ւ են ըսեր այբուբենիկ:

22. ՊԶՏԻԿ ՊԵՏԻԿԻ ՊԶՏԻԿ ՊԱՏՄՈՒԹԻՒՆԸ

Պղտիկ Պետիկը շատ էր անհանգիստ. շարունակ
 իրենց շան ու կատուին ետեւէն կ'իյնար. սովորու-
 թիւն էր ըրեր՝ միշտ կը քաշէր փիսիկի պոչէն ու շնի-
 կին կից կուտար:

Բայց գիտէ՞ք ինչ եղաւ ետքը:

Փխօն ճանկեց թաթիկը, շունը խածաւ տոտի-
 կը. շատ լաց եղաւ Պետիկը, լաւ մը պահեց մտիկը.
 ու քիչ կ'երթայ շուն ու կատուի մօտիկը:

Ի՞նչ ըսել է շարունակ:

Ո՞րն է կից տալը, ո՞րն է աստակ տալը:

Ի՞նչ բան է ճանկելը, ինչ բան է խածնելը:

«Սովորութիւն էր ըրեր». ուրիշ կերպով ինչպէ՞ս կ'ըսես:
 Թաթիկն ու տոտիկը. սովորական խօսքով ի՞նչպէս կ'ը-
 սենք:

Պատմէ՛ քու խօսքերովդ քեզմէ վրան մանրամասնութիւն-
 ներ աւելցնելով:

Գրէ՛ միայն այն մասը, քէ ի՞նչ տեսակ տղայ էր եւ ինչ-
 պէ՞ս կը չարչարէր կենդանիները:

23. ՊԵՒ ՈՒՆԵՅՈՂՆԵՐՈՒՆ ՍԵՂԱՆԸ

Ճաշի ատեն Յակոբն ու իր եղբայրը զատ սեղան
 կը նստէին, մեծերէն առաջ:

— Հայրի՛կ, — ըսաւ օր մը Յակոբիկը. — Ինչո՞ւ
 մեզի ալ ձեր սեղանը չէք առներ:

— Ձեր պեխերը դեռ չեն բուսեր, դեռ ժամանա-
 կը չէ. — պատասխանեց հայրը կատակով:

Այդ միջոցին Յակոբին մօտեցաւ իրենց սեւ ու
 խոշոր կատուն. թեթեւ մը կը ճանկուտէր Յակոբի
 փեշերը ու իր բաժինը կը խնդրէր:

— Ձեր սեղանը կորսուէ՛, սեւո՛ւկ. — բարկացաւ
 Յակոբը: — Նայէ՛, ահագին պեխեր ունիս դուն:

Ծիծաղելու համար ըսուած խօսքին մէկ բառով մը ի՞նչ կ'ըսենք:


Ի՞նչ բան է *պեխը*. իսկ *ժօրո՞ւրը*:

Ի՞նչ ըսել է *ահադին*:

Ե՞րբ կ'ըսենք *ճանկեց*, ե՞րբ կ'ըսենք *ճանկուակեց*:

Այս դէպքը հայրը թող պատմէ՛ իր մէկ բարեկամին. այդ ձեռով պատմէ՛, հօրը բերնէն:

Գրէ՛ քէ ինչպէս կատուն մօտեցաւ տղան եւ քէ տղան ի՞նչ ըսաւ:



24. Կ Ա Տ Ո Ի Ն

Կատուն եկաւ փխտիկ-փխտիկ,
հազար նազով, ինչպէս հալսիկ,
դունչը սրբեց թաթիկներով,

մազը սանտրեց կարմիր լեզուով:
Կատո՛ւ, կատո՛ւ, ի՞նչ ես տրտում,
Թէ՞ մէկներն են այսօր արթուն:

Առաջին տողի միտքն ի՞նչ է:

Ի՞նչ ըսել է *հազար նազով*:

Տրտում = տխուր. կ'ըսենք նաեւ *տրտում-տխուր*:

Ձուարթ = ուրախ. կ'ըսենք նաեւ *ուրախ-զուարթ*:

25. Ո Ի Ժ Ո Վ Ը

Այժը գնաց սառույցին վրայ խաղաց, ինկաւ, ոտքը կոտրեց ու ըսաւ.

— Սառո՛յց, դուն շա՞տ ուժով ես:

— Թէ՛ որ ուժով ըլլայի, արեւն ինծի չէր հալցընէր:

Այժը գնաց արեւի մօտ ու ըսաւ.

— Արե՛ւ, դուն շա՞տ ուժով ես:

— Թէ՛ որ ուժով ըլլայի, ամպը դէմս չէր ծածկեր:

Գնաց ամպի մօտ.

— Ա՛մպ, դուն շա՞տ ուժով ես:

— Թէ՛ որ ուժով ըլլայի, քամին ինծի չէր ցրուեր:

— Ըսաւ.

— Քամի՛, դուն շա՞տ ուժով ես:

— Թէ՛ որ ուժով ըլլայի, պատի ճեղքը չէի մըտներ:

Ըսաւ.

— Պատի՛-ճեղք, դուն շա՞տ ուժով ես:

— Թէ որ ուժով ըլլայի, մուկը ինծի չէր կրծեր:
Ըսաւ.

— Մո'ւկ, դուն շա՞տ ուժով ես:

— Թէ որ ուժով ըլլայի, կատուն ինծի չէր բըռնէր:

Ըսաւ.

— Կատո՛ւ, դուն շա՞տ ուժով ես:

Կատուն պոչը զարկաւ դետին ու ըսաւ.

— Ուժով եմ, հա՛, ուժով եմ,
ուժովներու ուժովն եմ,

պարոններու միշտ քովն եմ,

տիկիներու փեշովն եմ.

երբ կը շոյեն՝ նազով եմ,

կը մըմռամ՝ թէ «գոհ եմ».

ամառը կտուրին վրայ,

ձմեռը թոնիրին վրայ,

տաքուկ տեղերն ընտրողն եմ.

խսկ թէ յանկարծ «փի'ստ» ընեն,

ծառին ծայրը ելլողն եմ:

Ի՞նչ բան է քամին:

Ի՞նչ ըսել է հալեւ, հալցընել:

Ծածկելուն ուրիշ ինչպէ՞ս կ'ըսես:

Ի՞նչ պիտի ընէ կենդանին, որ ըսեմք՝ կը կրծէ:

Ինչպէ՞ս է ցրուելուն հակառակը:

Գետինը, հորի պէս, հողին մէջ փորուած կրակարանին

Ի՞նչ կ'ըսեմք:

Ի՞նչ ըսել է՝ «տիկիներու փեշովն եմ»:


Ի՞նչ պէտք է ընեմք, որ դատուայ շոյել:

Պատմէ՛ քէ կատուն ինչն՞վ կը պարծենար:

Պատմէ՛ ամբողջը, բայց պէտք է վերջացընես մկան վրայ.

մուկն է, որ ինքզինքը ուժով կը համարէ ու կը պարծենայ.
պիտի ըսես քէ ի՞նչ բաներով կը պարծենայ:

Գրէ՛ միայն առաջին մասը, քէ ինչպէս այծը ոտքը կտտրեց եւ քէ ինչպէս սառոյցին, արեւին, ամպին ու հովին դիմեց:



26. ԱՆԿՈՉ ՆԻՐԵՐ

Շունը նոր էր ճաշ ըրեր:

Երկար փոուեր էր իր տնակին առջեւը, դունչը
դրեր էր երկու թաթերուն վրայ ու աչքերը գոցեր էր:
Ի՛նչմացը դրած էր լափին ամանը:

Երկու ճնճողուկ թառեր էին դէմուդէմը ցանկա-
պատին վրայ ու շատոնց է, որ կ'ըսպասէին:

— Քնացա՞ւ. — ըսաւ մէկը կամաց մը թեւը շար-
ժելով:

— Չէ՛. — ըսաւ մ'իւսը: — Չե՞ս տեսներ աղանջնե-
րը կը շարժէ:

— Կը վախնաս, հա՞.— Հարցուց նորէն առաջի-
նը.— Ես չեմ վախնար. եկո՛ւր երթանք:

Ու թռաւ, իջաւ գետին, շան տնակին առջեւը,
հոնկէ ալ յանկարծ ցատկեց ամանին եզերքը ու թի՛ք-
թիք սկսաւ արագ կտցահարել:

Ընկերն ալ սիրտ ըրաւ, թռաւ ցանկապատէն
վար ու երկուքը միասին արագ-արագ կը կտցահա-
րէին:

Անոնց թիք-թիքէն շունը արթընցաւ, աչքերուն
մէկը բացաւ քիչ մը, նայեցաւ անկոչ հիւրերուն, բան
մը մոռաց քթին տակէն ու նորէն աչքը խփեց...

Շունը ի՞նչ մոռաց քթին տակէն:

Շան խառն ուտելիքին ի՞նչ կ'ըսեմք:

Պատը ինչե՞ն կը շինեմք. ցանկապատը ինչե՞ն կը շինեմք:

Շունը ինչո՞ւ ականջները կը շարժէ:

Ի՞նչ ըսել է կտցահարել:

Աչքերը խփեց. ուրիշ կերպով ինչպէ՞ս կ'ըսես:

Ի՞նչ բան է՝ ամանին խուրը:

Ինչո՞ւ վերնագիրը դրեր եմ «Անկոչ հիւրեր»: Ինչպէ՞ս

կ'ըլլայ հակառակը:

Արագ-արագ. այսի՞նքն:

Պատմէ՛ մենեւոյնը շան բերնէն, իբրեւ թէ շունը ըլլայ
այդ դէպքը պատմողը:

Պատմէ՛ քու բերնէդ, միայն այնպէս, որ շունը չար շուն
մը ըլլայ:

Գրէ՛ միայն այն մասը, թէ ինչպէս շունը պատկեր էր եւ
թռչունները կ'ըսասէին:

Գրէ՛ միայն այն մասը, թէ ինչպէս թռչուններէն մէկը ի-
ջաւ եւ սկսաւ ուտել, ինչպէս միւսը ընկերացաւ անոր եւ թէ
շունը ինչ ըրաւ:

27 Շ Ո Ւ Ն Ը

ՀաՖ-հա'ֆ, հաՖ-հա'ֆ,
ահա՛ այսպէս կը հաջեմ ես,
հաՖ-հա'ֆ, հաՖ-հա'ֆ,
ու տունն այսպէս կը պահեմ ես:

Թէ դայ ծանօթ, հին բարեկամ,
պոչ շարժելով դէմը կուգամ.
բայց ներս մտնել թէ գողէգող
ուզէ մարդ մը չար կամեցող,

ՀաՖ-հա'ֆ, հաՖ-հա'ֆ,
ահա՛ այսպէս կը հաջեմ ես,
հաՖ-հա'ֆ, հաՖ-հա'ֆ,
ու տունն այսպէս կը պահեմ ես:

Շունը ե՞րբ պոչը կը շարժէ:

Ի՞նչ ըսել է գողէգող:

Ինչպէ՞ս կ'ըլլայ չար կամեցողը հակառակը:

Բարի կամեցողին մէկ բառով ի՞նչ կ'ըսեմք:

Պատմէ՛ ինչքան կրնաս մանրամասն, թէ շունը ինչպէս կը
պահպանէ տունը. ուրիշ ի՞նչ բաներ կը պահպանէ, ինչպէ՞ս:



28. ԽԵԼՈՔ ՀԱՇԻԻ

Նպարավաճառի խանութին առջեւը, դռան մէջ, մեծ տուփակով մը ընկոյզ էր դրուած: Բայց ի՞նչ ընկոյզ. խոշոր, ամէն մէկը Սմբատի բռունցքին չափ:

Սմբատը ինքն ալ բռունցքները գրպանը դրած՝ կեցեր էր ընկոյզներուն դէմը ու կը նայէր: Այնպէ՛ս կ'ուզէր սիրտը, բայց դրամ չունէր:

Չդիմացաւ, մտաւ ներս ու հարցուց.

— Ի՞նչ կ'արժէ ընկոյզը:

— Վեցը հինգ ստակ:

— Վեցը հինգ ստակ, հա՞.— մտածեց Սմբատը քիչիկ մը եւ իսկոյն վրայ տուաւ.— աղէ՛կ. ուրեմն հինգ հատը չորս ստակ, չորս հատը երեք ստակ, երեք հատը երկու ստակ, երկու հատը մէկ ստակ, իսկ մէկ հատը ո՛չ-մէկ ստակ: Է՛, վնաս չունի, թող ըլլայ մէկ հատ. տո՛ւր ինծի մէկ հատ մը:

Ի՞նչ կը ծախեն նպարավաճառին խանութը: Խանութին մէջ, ընկոյզին նման, ուրիշ ի՞նչ բաներ կը դնեն տուփակով:

Ձեռքը ինչպէ՞ս պիտի պահենք, որ դառնայ բուռ, ի՞նչ ձեռով պիտի պահենք, որ դառնայ բռունցք:

Ե՞րբ մեր ձեռքը բուռ կը շինենք, ե՞րբ բռունցք:

Ամենէն մանր դրամին կ'ըսենք ստակ, ինչպէս ուրիշ ազգերը կ'ըսեն սենտ, սանտիմ, փեննի, փարա:

Պատմէ՛ ամբողջը ու լրացո՛ւր. Սմբատը ստացա՞ւ իր ընկոյզը. ինչո՞ւ:

Գրէ՛ սկզբի կտորը մինչեւ խանութ մտնելը:

Գրէ՛ մէկէն մինչեւ տասը, քով-քովի, ստորակէտներով գատուած:

29. ԳԷՇ ՀԵՔԻԱԹ ՄԸ

Պարոյրը երկու ընկոյզ ունէր ձեռքը, իսկ քոյրը՝ զրքոյկ մը:

— Պարո՛յր, — ըսաւ քոյրը. — գիտե՞ս, ի՞նչ աղուոր հեքիաթ մը կայ գրքիս մէջ: Կ'ուզե՞ս պատմեմ:

— Պատմէ՛ նայիմ. — պատասխանեց Պարոյրը:

— Եղեր է, չէ եղեր, բարի տղայ մըն է եղեր, անունը Պարոյր: Այս Պարոյրը ունեցեր է երկու ընկոյզ. ընկոյզին մէկը կերեր է ինքը, իսկ միւս ընկոյզը տուեր է քրոջը...

— Ատ ի՞նչ գէշ հեքիաթ է. — ըսաւ Պարոյրը ու փախաւ:


Պատմէ՛ Պարոյրի քոյրը բերնէն, իբրեւ թէ ան ըլլաք այս դէպքը պատմողը:

Պատմէ՛ քու բերնէդ, բայց փոխելով. քոյրն է, որ ունի երկու ընկոյզ եւ իբրեւ թէ գրքին մէջի գրածը կարդալով մէկ հատը կու տայ եղբորը. եւ ի՞նչ կը պատասխանէ տղան:

Ի՞նչ կը դնես այս քու պատմածիդ վերնագիրը:

Արտագրէ՛ ամբողջ պատմութիւնը գրքին մէջը եզածին պէս:

Հեքիաթ կ'ըսենք հինէն եկած ու բերնէ բերան պատմելով պատմութիւններուն: Հոստեղ կատակի համար է ըսած, իբրեւ թէ հեքիաթ ըլլաք:



30. ՎԱՐՊԵՏ ԱՆՏՈՆԸ

Ահա՛ ան տունը,
որ շիներ է վարպետ Անտոնը:

Ահա՛ ան ցորենը,
որ պահուած է ան տունը,
որ շիներ է վարպետ Անտոնը:

Ահա՛ ան մուկը,
որ կերեր է ան ցորենը,
որ պահուած է ան տունը,
որ շիներ է վարպետ Անտոնը:

Ահա՛ ան կատուն,
որ բռներ է ան մուկը,
որ կերեր է ան ցորենը,
որ պահուած է ան տունը,
որ շիներ է վարպետ Անտոնը:

Ահա՛ ան շունը,
որ գզեր է ան կատուն,
որ բռներ է ան մուկը,
որ կերեր է ան ցորենը,
որ պահուած է ան տունը,
որ շիներ է վարպետ Անտոնը:

Ահա՛ ան կովը,
որ հարու է տուեր ան շանը,
որ գզեր է ան կատուն,
որ բռներ է ան մուկը,
որ կերեր է ան ցորենը,
որ պահուած է ան տունը,
որ շիներ է վարպետ Անտոնը:

Ահա՛ ան աղջիկը,
որ կթեր է ան կովը,
որ հարու է տուեր ան շանը,
որ գզեր է ան կատուն,
որ բռներ է ան մուկը,
որ կերեր է ան ցորենը,
որ պահուած է ան տունը,
որ շիներ է վարպետ Անտոնը:

Ահա՛ ան տղան,
որ ուզեր է ան աղջիկը,
որ կթեր է ան կովը,
որ հարու է տուեր ան շանը,
որ գզեր է ան կատուն,
որ բռներ է ան մուկը,
որ կերեր է ան ցորենը,
որ պահուած է ան տունը,
որ շիներ է վարպետ Անտոնը:



Ահա՛ ան տէրտէրը,
որ պսակեր է ան տղան,
որ ուզեր է ան աղջիկը,
որ կթեր է ան կովը,
որ հարու է տուեր ան շանը,
որ գզեր է ան կատուն,
որ բռներ է ան մուկը,
որ կերեր է ան ցորենը,
որ պահուած է ան տունը,
որ շիներ է վարպետ Անտոնը:

Ահա՛ ան աքլորը,
որ արթընցուցեր է ան տէրտէրը,
որ պսակեր է ան տղան,
որ ուզեր է ան աղջիկը,
որ կթեր է ան կովը,
որ հարու է տուեր ան շանը,
որ գզեր է ան կատուն,

որ բռներ է ան մուկը,
որ կերեր է ան ցորենը,
որ պահուած է ան տունը,
որ շիներ է վարպետ Անտոնը:

Ահա՛ ան վարպետ Անտոնը,
որ մորթեր է ան աքլորը,
որ արթընցուցեր է ան տէրտէրը,
որ պսակեր է ան տղան,
որ ուզեր է ան աղջիկը,
որ կթեր է ան կովը,
որ հարու է տուեր ան շանը,
որ գզեր է ան կատուն,
որ բռներ է ան մուկը,
որ կերեր է ան ցորենը,
որ պահուած է ան տունը,
որ շիներ է վարպետ Անտոնը:

Ի՞նչ ըսել է հարու տալ, ի՞նչ ըսել է կից տալ:
Ի՞նչը վը գզենք, ինչո՞ւ կը գզենք:
Ի՞նչ ըսել կ'ուզէ՛ «շունը գգեց կատուն»: Եւ ի՞նչ ըսել է
գզուըտիլ:

Վարպետ Անտոնը արհեստով ի՞նչ էր:
Ի՞նչ է տէրտէրին արհեստը:

Պատմէ՛ թէ ո՞րն է ձեր տան գլխաւոր աշխատարին ար-
հեստը, ո՞ւր եւ ինչպէ՞ս կ'աշխատի:

Պատմէ՛ թէ ո՞ր արհեստը դուն աւելի կը սիրես, ինչո՞ւ:

Գրէ՛ միայն այն կտորը, որ կ'ըսկսի աղջիկէն:

Գրէ՛ այն կտորը, որ կ'ըսկսի տէրտէրէն:

31. ՄԿԱՆ ՏՈՒՆԸ

— Ո՞ւր է տունդ, ա՛ մկնիկ:
 — Իմ տնա՞կս. շա՛տ մօտիկ.
 Հոսկէ կ'իջնես գետնին տակ,
 նախ կը քալես շիւի-շիտակ,
 կը ծռիս ձախ, ետքը՝ աջ,
 ետքը նորէն միշտ առաջ,
 կը դառնաս վեր, կ'իջնես վար,
 կ'երթաս, կ'երթաս անդադար
 ու կ'ոլորուիս, շատ չանցած
 բունիս առջեւն ես կեցած:
 Բայց տնակիս դուռն ու սեմ,
 պէտք է քեզի ես ըսեմ,
 քիչ մը ցած է, մի՛ մոռնար,
 ներս մտնելուդ ծռէ՛ վար:

Ի՞նչ ըսել է անդադար:

Ի՞նչ բան է բունը:

Գոռն ո՞ր մասն է սեմը:

Պատմե՛լ լրացնելով ք-է ո՞վ է հարցնողը, ո՞ւր, ե՞րբ եւ
 ի՞նչ կ'ընէ, երբ այս պատասխանը կը լսէ:
 Նկարագրե՛լ բոյն մը, որ դուռն տեսած ես:



32. ՄՂՈՑ ՈՒ ԿԱՑԻՆ

Տախտակը զանգատեցաւ ու ըսաւ.

— Ա՛խ, այն սղո՛ցը, սղոցը, մաշեց ներսս, կտըր-
 տեց:

Ֆախը լսեց ու ըսաւ.

— Ա՛խ, այն կացի՛նը, կացինը, զարկաւ կողերս
 կոտորեց:

Տախտակն ու ցախը ինչն՞վ են իրար նման եւ ինչն՞վ կը
 տարբերին իրարմէ:

Ի՞նչ ըսել է՝ «կօշիկս մաշեք է»:

Ե՞րբ կ'ըսենք՝ կտրե՛լ, ե՞րբ կ'եսենք՝ կտրտել:

Ե՞րբ կ'ըսենք՝ կտորե՛լ, ե՞րբ կ'ըսենք՝ կտորտել:

Կտրելն ու կտորելը ի՞նչ տարբերութիւն ունին իրարմէ:

Պատմե՛ք ք-է ուրկե՞ս, ինչպե՞ս, որո՞ւն ձեռքով եւ ի՞նչ գոր-
 ծիւններով կ'ըստանանք մեր շէնքերուն համար պէտք եղած
 տախտակը եւ մեր վառելիք ցախը:

Նկարագրե՛ք ի՞նչ տեսակ գործիք է սղոցը եւ ինչ տեսակ
 գործիք է կացինը:

Գրե՛ք տախտակի ու ցախի գանգատը:



33. ՇՈՒՏ - ԱՍԵԼՈՒԿ

Մ ու կ ը ն ե տ ե մ , ձ ու կ ը ու տ ե մ ,
 ձ ու կ ը ու տ ե մ , մ ու կ ը ն ե տ ե մ :

*

Մ տ ի ձ ու տ ը ծ ա ու ի ճ իւ Ղ ի ն ,
 ծ ա ի ձ ու տ ի ճ իւ ը ծ ու ա :


*

Կ ա ը մ ի ը պ ա ը կ մ ը կ ա ը ,
 կ ա ը մ ի ը պ ա ը կ ա կ ա պ մ ը կ ա ը .
 ո ° վ է մ ե ը կ ա ը մ ի ը պ ա ը կ ը ,
 ո ° վ է մ ե ը կ ա ը մ ի ը պ ա ը կ ի ն կ ա ը մ ի ը պ ա ը -
 կ ա կ ա պ ը :

Պատկերացո՛ւր մտքիդ մէջը ծառ մը, անոր մէկ նիւղին վրայ թռչունի ձագուկ մը՝ նուտիկ մը, որ վիզը ծուռ ֆեզի կը նայի: Եւ նկարագրէ՛ ինչ որ պատկերացուցիր. ինչի՞ ծառ էր, ի՞նչ ձև ունէր, ի՞նչ մեծութեան, նոյնպէս եւ նիւղը, նոյնպէս եւ թռչունը, ո՞ր կողմ էր ծռեր գլուխը, ինչպէ՞ս ֆեզի կը նայէր:

Ինչո՞ւ համար է պարկը, ինչե՞ է շինուած եւ ինչպէ՞ս: Իսկ ի՞նչ բան է՝ պարկահապը:

34. ՊԱՐՈՆ ԵՍ — ԶԷԻՆ



Այդ անպիտան Ես-չէին ինչպէ՞ս կը քալէ, մարդ չի-մանար ներս գալը, մարդ չի տեսներ երբ գալը. եւ աւելի անկարելին անոր կերպա-րանքը տեսնել կընալը:

Բայց ամէն տուն միշտ ա՛ն է, ուր կատարուածը արգիլ-ուած բան է. ինչ որ անպի-տան է, դիտցիր որ ան է, դիտցիր որ հոն է:

Ո՞վ է մտեր հաւնոցը, ո՞վ է տարեր քուրիկին մատնո-ցը, ո՞վ է ծակեր դողնոցը: Միշտ անպիտան Ես-չէին:

Մայրիկի դռքէն էջ մը պատուեր են, հայրիկի թուղ-թերը սաստիկ խառներ են, սիրոցին ծայրը գետին քա-չեր են: Այդ ո՞վ է ըրեր: Միշտ անպիտան Ես-չէին:

Գնդասեղները ո՞վ թափեր է գետին, ո՞վ է ձեռք տուեր լուցիկի տուփին, ո՞վ է ցըր-

ուեր այս իրերը ասդին ու անդին: Միշտ անպիտան Ես-չէին:

Մէկը կոխեր է դորգը ցեխոտ ոտքերով, մէկը բռներ է դուռը կեղտոտ մատներով, մէկը զարգարեր է պատը երկար դժերով. ո՞վ է այդ մէկը: Միշտ ան-պիտան Ես-չէին:

Աս ո՞վ բաց ձգեց փողոցին դուռը, ո՞վ կը ճոճը-
ռացնէ սենեակին դուռը, աս ո՞վ է մտեր սանտուղին
տակի փողոտ ծակուռը: Միշտ անպիտան Ես-չէին:

Ո՞վ է փրցուցեր հազուստին կոճակը, ո՞վ է
փախցուցեր եղբօրը մուճակը, ո՞վ է հասցուցեր իր
խաղալիքները այս խեղճ վիճակը: Միշտ անպիտան
Ես-չէին:

Ինչո՞ւ համար է գողնոցը, մատնոցը, սփռոցը, հանոցը:
Ի՞նչ ըսել է՝ «բա՛ց գրքիդ ուր-երորդ էջը»:

Ո՞րն է մարդու մը կերպարանքը:

Մտեղն ու գնդասեղը ինչո՞վ են նման իրարու եւ ինչո՞վ կը
տարբերին իրարմէ. ինչո՞ւ համար է այդ տարբերութիւնը:

Ի՞նչ բան է տուփը. եւ ի՞նչ բաներու տուփ գիտես:

Լուցկիով ի՞նչ բաներ կը վառենք:

Ինչպէ՞ս պիտի ըլլայ ոտքը, որ ըսենք ցեխոտ. ինչպէ՞ս
պիտի ըլլայ ձեռքը, որ ըսենք կեղտոտ. ինչպէ՞ս պիտի ըլլայ
հագուստը, որ ըսենք փոշոտ:

Ի՞նչ տեսակ տեղերը կ'անուանենք ծակուռ:

Ինչէ՞ն կը շինեն կօշիկն ու մուճակը. ի՞նչ գլխաւոր տար-
բերութիւն կայ անոնց շինուածքին մէջ: Եւ ինչո՞ւ համար է
այդ տարբերութիւնը:

Ինչպէ՞ս կ'ըլլայ կանոնաւոր եւ հոգացող երեխայի խա-
ղալիքներուն վիճակը. ինչպէ՞ս կ'ըլլայ անհոգ, քափքփած
ու կեղտոտ երեխայի խաղալիքներուն վիճակը:

Ե՞րբ կ'ըսենք մէկուն անպիտան:

Ատ ի՞նչ իրեր է, որ Ես-չէին ցրուեր էր ասդին-անդին:

Պատմէ՛ այն ձեւով, որ Ես-չէին ինքը ըլլայ գանգատողը,
թէ ինչպէս ուրիշները իրենց ըրած այդ բոլոր անկարգ ու ան-
պիտան բաները անոր վրան կը դնեն:

Պատմէ՛ մօր մը գանգատը, թէ ինչպէս իր երեխան ան-
կարգ ու անպիտան բաներ կ'ընէ եւ համրէ՛ անոր ըրած անպի-
տան բաները:

Գրքի յօդուածէն հանելով ըսէ՛, թէ ինչ բաներ արգիլ-
ուած է երեխաներուն եւ ինչո՞ւ համար է արգիլուած:

Գրէ՛ այն մասը, որ հայրիկի ու մայրիկի իրերը խառնե-
լուն կը վերաբերի, լուցկին ու գնդասեղներն ալ մէջը հաշ-
ուած:

Գրէ՛ այն մասերը, որ կեղտոտութեան կը վերաբերին եւ
անհոգութեան:

35. ԵՐԿԻՆՔԸ ՓՈՒԼ ԿՈՒԳԱՅ

Կ'ըլլայ չըլլար ճստիկ-ձուտիկ մը:

Այս ճստիկ-ձուտիկը օր մը ծածուկ կը մտնէ
հարեւանի պարտէզը, որ քըջուջ ընէ:

Մէյ մըն ալ յանկարծ թուփէն վարդ մը կը փրթի
կ'իյնայ պոչին: Ճստիկ-ձուտիկը վախցած կը փախ-
չէ դուրս:

Կը վազէ, կը վազէ, կը հասնի Հաւիկ-Մարիկին:

— Վա՛յ, Հաւի՛կ-Մարիկ, — կը կանչէ հեռու-
էն, — երկինքը փուլ կուգայ:

— Ա՛, ճստիկ-ձուտիկ, ատ ո՞ւր տեղէն իմա-
ցար, — կը հարցնէ Հաւիկ-Մարիկը:

— Օ՛, ես իմ աչքովս տեսայ, իմ ականջովս լսե-
ցի, դեռ մէկ կտորն ալ պոչիս ինկաւ:

— Ի՞նչ կ'ըսես. փախչի՛նք. — կ'ըսէ Հաւիկ-Մա-
րիկը:

Կը վազեն, կը վազեն, կը հասնին Բաղրիկ-Մամիկ-
կին:

— Վա՛յ, Բաղրիկ-Մամիկ, — կը կանչէ Հաւրիկ-
Մարիկը, — երկինքը փուլ կուգայ:

— Ա՛, Հաւրիկ-Մարիկ, ատ ո՞ւրտեղէն իմացար,
— կը հարցնէ Բաղրիկ-Մամիկը:

— Ճստիկ-ձուտիկը կ'ըսէ:
— Ա՛, Ճստիկ-ձուտիկ, ատ ո՞ւրտեղէն իմացար:

— Օ՛, ես իմ աչքովս տեսայ, իմ ականջովս լսե-
ցի. դեռ մէկ կտորն ալ պոչիս ինկաւ:

— Ի՞նչ կ'ըսես. փախչի՛նք. — կ'ըսէ Բաղրիկ-Մա-
միկը:

Կը վազեն, կը վազեն, կը հասնին Սաղրիկ-Խա-
թունին:

— Վա՛յ, Սաղրիկ-Խաթուն, — կը կանչէ Բաղրիկ-
Մամիկը, — երկինքը փուլ կուգայ:

— Ա՛, Բաղրիկ-Մամիկ, ատ ո՞ւրտեղէն իմա-
ցար, — կը հարցնէ Սաղրիկ-Խաթունը:

— Հաւրիկ-Մարիկը կ'ըսէ:
— Ա՛, Հաւրիկ-Մարիկ, ատ ո՞ւրտեղէն իմացար:

— Ճստիկ-ձուտիկը կ'ըսէ:
— Ա՛, Ճստիկ-ձուտիկ, ատ ո՞ւրտեղէն իմացար:

— Օ՛, ես իմ աչքովս տեսայ, իմ ականջովս լսե-
ցի. դեռ մէկ կտորն ալ պոչիս ինկաւ:

— Ի՞նչ կ'ըսես. փախչի՛նք. — կ'ըսէ Սաղրիկ-Խա-
թունը:

Կը վազեն, կը վազեն, կը հասնին Հնդկահաւին:
— Վա՛յ, Հնդու-Թնդու, — կը կանչէ Սաղրիկ-
Խաթունը, — երկինքը փուլ կուգայ:

— Ա՛, Սաղրիկ-Խաթուն, ատ ո՞ւրտեղէն իմա-
ցար, — կը հարցնէ Հնդու-Թնդուն:

— Բաղրիկ-Մամիկը կ'ըսէ:
— Ա՛, Բաղրիկ-Մամիկ, ատ ո՞ւրտեղէն իմացար:

— Հաւրիկ-Մարիկը կ'ըսէ:
— Ա՛, Հաւրիկ-Մարիկ, ատ ո՞ւրտեղէն իմացար:

— Ճստիկ-ձուտիկը կ'ըսէ:
— Ա՛, Ճստիկ-ձուտիկ, ատ ո՞ւրտեղէն իմացար:

— Օ՛, ես իմ աչքովս տեսայ, իմ ականջովս լսե-
ցի. դեռ մէկ կտորն ալ պոչիս ինկաւ:

— Ի՞նչ կ'ըսես. փախչի՛նք. — կ'ըսէ Հնդու-Թն-
դուն:

Կը վազեն, կը վազեն, կը հասնին Աղա-Աղուէ-
սին:

— Աղա-Աղուէս, Աղա-Աղուէս, — կը կանչէ
Հնդու-Թնդուն, — երկինքը փուլ կուգայ:

— Ա՛, Հնդու-Թնդու, ատ ո՞ւրտեղէն իմացար, —
կը հարցնէ Աղա-Աղուէսը:

— Սաղրիկ-Խաթունը կ'ըսէ:
— Ա՛, Սաղրիկ-Խաթուն, ատ ո՞ւրտեղէն իմա-
ցար:

— Բաղրիկ-Մամիկը կ'ըսէ:
— Ա՛, Բաղրիկ-Մամիկ, ատ ո՞ւրտեղէն իմացար:

— Հաւրիկ-Մարիկը կ'ըսէ:
— Ա՛, Հաւրիկ-Մարիկ, ատ ո՞ւրտեղէն իմացար:


— Ճստիկ-ձուտիկը կ'ըսէ:
— Ա՛, Ճստիկ-ձուտիկ, ատ ո՞ւրտեղէն իմացար:

— Օ՛, ես իմ աչքովս տեսայ, իմ ականջովս լսե-
ցի. դեռ մէկ կտորն ալ պոչիս ինկաւ:

— Ի՞նչ կ'ըսէք. — կը բացականչէ Աղա-Աղուէ-
սը. — եկէ՛ք, տանիմ ձեզի տունս, որ երկինքը ձեր
Գլխուն փուլ չի գայ:
Ճստիկ-ձուտիկը, Հաւրիկ-Մարիկը, Բաղրիկ-

Մամիկը, Սագիկ-Խաթունը, Հնդու-Թնդուն, բոլորը միասին կ'իյնան Աղա-Աղուէսին ետեւէն ու կը մտնեն անոր որջը:

Կը մտնեն անոր որջը եւ այդ մտնելն էր, որ մըտան. մինչեւ այսօր ալ դեռ դուրս պիտի դան:



Փուլ գալուն ինչպէ՞ս կ'ըսեմք մէկ բառով:

Ի՞նչ ըսել է ճատիկ-ճուարիկ:

Վայրենի կենդանիներու բոյնին ի՞նչ կ'ըսեմք:

Ժամանակ մը պարոն ըսելու տեղ կ'ըսէին աղա, իսկ տիկին ըսելու տեղ՝ կ'ըսէին խաթուն:

Պատմէ՛ ամբողջը առանց կրկնութիւններու եւ առանց խօսակցութեան. դուն քու կողմէդ ըսէ՛ ինչ որ պատահեցր է:

Պատմէ՛ աղուէսի բերնէն, մանրամասնութիւններով, ծաղրով եւ իր խելքը գովելով:

Պատմէ՛ փոփոխելով. ենթադրէ՛, որ Հնդու-Քնդուն աւելի խելօք գտնուի, խնդայ միւսներու խելքին ու ետ մամբէ:

Գրէ՛ միայն մատիկ-նուտիկի գլխուն եկածը եւ իր մօրը հետ ունեցած խօսակցութիւնը:

Գրէ՛ միայն, թէ ինչ առաջարկեց աղուէսը, ինչպէս տարաւ իր որջը, ուր մինչեւ հիմա կը մնան:

36. Բ Ա Դ Ի Կ Ը

Բագի՛կ, բագի՛կ,
կարմիր թաթիկ,
ատ ո՞ւր կ'երթաս կամաց-կամաց,
ձագուկներդ չորս կողմ առած:
— Կ'երթամ ես վար ջուր գտնելու,
ձագուկներս լըւանալու,
ձագուկներս մաքուր-մաքուր,
տղոց երեսն աղտ է ու մուր:

Կարդա՛ այս երկու տունը կրցածիդ չափ եղած բառերուն տեղը ուրիշ բառեր դնելով. իմաստը չի՛ պիտի փոխես:

Ինչէ՞ն կ'առաջանայ աղտը, ինչէ՞ն կ'առաջանայ մուրը:

37. ԶԱՐ ԱՂՈՒԷՍԸ

Փոքրիկ Նուարդը գիրք մը կը թղթատէր. տեսաւ աղուէսի մը պատկերը: Աղուէսը հաւ մըն էր ճանկեր ու կը բզրկատէր:

— Օգնեցէ՛ք, օգնեցէ՛ք. — պոռաց Նուարդը: — Եկէ՛ք, ազատեցէ՛ք այս աղուորիկ աքլորիկը չար աղուէսին բերնէն:

Ի՞նչ ըսել է թղթատել:

Հոս ճանկել բառը ի՞նչ իմաստ ունի:

Բզրիկ-բզրիկ ընելուն մէկ բառով ի՞նչ կ'ըսեմք:

Արտագրէ՛ ամբողջ պատմութիւնը:

38. ՊՈԶԱՏ ԱՂՈՒՔԱԸ

Պառաւը կը կթէ իր այծը, կաթը կը դնէ վար, կ'երթայ ցախ բերելու, որ կրակ ընէ ու կաթը եփէ:

Անդիէն կու գայ աղուէսը, գլուխը կը կոխէ կաթին ամանը, կը խմէ, ամանը կը դառնայ, կաթը կը թափի գետին:

Պառաւը վրայ կը հասնի, ցաքատով կը զարնէ, կը կտրէ աղուէսին պոչը:

Աղուէսը պոչատ կը փախչի, կ'երթայ, կը կենայ քարի մը գլուխը ու կը խնդրէ:

— Պառաւ, պառաւ, պոչս տուր, կցեմ, կցմցեմ, երթամ ընկերներու հասնիմ, որ չըսեն ինծի՝ «Պոչա՛տ աղուէս, ո՞ւր էիր»:

Պառաւը կ'ըսէ:

— Գնա կաթս բեր:

Աղուէսը կ'երթայ կովին:

— Կովի՛կ, կովի՛կ, կաթ տուր ինծի: Կաթը տանիմ պառաւին տամ, պառաւը պոչս տայ, կցեմ, կցմցեմ, երթամ ընկերներու հասնիմ, որ չըսեն՝ «Պոչա՛տ աղուէս, ո՞ւր էիր»:

Կովը կ'ըսէ:

— Գնա ինծի խո՛տ բեր:

Աղուէսը կ'երթայ արտին:

— Արտի՛կ, արտի՛կ, խոտ տուր ինծի: Խոտը տանիմ կովուն տամ, կովը ինծի կաթ տայ, կաթը տանիմ պառաւին տամ, պառաւը պոչս տայ, կցեմ, կցմցեմ, երթամ ընկերներու հասնիմ, որ չըսեն՝

«Պոչա՛տ աղուէս, ո՞ւր էիր»:

Արտը կ'ըսէ:

— Գնա ինծի ջո՛ւր բեր:

Աղուէսը կ'երթայ ջուր բաժնողին:

— Զրբա՛ժ, ջրբա՛ժ, ջուր տուր ինծի: Զուրը տանիմ արտին տամ, արտը ինծի խոտ տայ, խոտը տանիմ կովուն տամ, կովը ինծի կաթ տայ, կաթը տանիմ պառաւին տամ, պառաւը պոչս տայ, կցեմ, կցմցեմ, երթամ ընկերներու հասնիմ, որ չըսեն՝ «Պոչա՛տ աղուէս, ուր էիր»:

Զուր բաժնողը կ'ըսէ:

— Գնա ինծի ձո՛ւ բեր:

Աղուէսը կ'երթայ հաւին:

— Հաւի՛կ, հաւի՛կ, ձու տուր ինծի: Զուն տանիմ ջրբաժին տամ, ջրբաժն ինծի ջուր տայ, ջուրը տանիմ արտին տամ, արտը ինծի խոտ տայ, խոտը տանիմ կովուն տամ, կովը ինծի կաթ տայ, կաթը տանիմ պառաւին տամ, պառաւը պոչս տայ, կցեմ, կցմցեմ, երթամ ընկերներու հասնիմ, որ չըսեն՝ «Պոչա՛տ աղուէս, ո՞ւր էիր»:

Հաւը կ'ըսէ:

— Գնա ինծի կո՛ւտ բեր:

Աղուէսը կ'երթայ կալուորին:


— Կալուո՛ր, կալուո՛ր, կուտ տուր ինծի: Կուտը տանիմ հաւին տամ, հաւը ինծի ձու տայ, ձուն տանիմ ջրբաժին տամ, ջրբաժն ինծի ջուր տայ, ջուրը տանիմ արտին տամ, արտը ինծի խոտ տայ, խոտը տանիմ կովուն տամ, կովը ինծի կաթ տայ, կաթը տանիմ պառաւին տամ, պառաւը պոչս տայ, կցեմ,

կցմցեմ, երթամ ընկերներուս հասնիմ, որ չըսեն՝
«Պոչա՛տ աղուէս, ո՞ւր էիր»:

Կալուորի մեղքը կու դայ, կը հանէ բուռ մը կուտ
կու տայ:

Աղուէսը կուտը կը տանի հաւին, հաւը ձու կու
տայ, ձուն կը տանի ջրբաժին, ջրբաժը ջուր կու
տայ, ջուրը կը տանի արտին, արտը խոտ կու տայ,
խոտը կը տանի կովուն, կովը կաթ կու տայ, կաթը
կը տանի պառաւին, պառաւը պոչը կու տայ, կը կցէ,
կը կցմցէ, կ'երթայ ընկերներուն կը հասնի, որ չը-
սեն՝ «Պոչա՛տ աղուէս, ո՞ւր էիր»:

Ցաքատ = ծայրը քիչ մը կոր դանակ, որով պարտիգպա-
նը ծառերուն աւելորդ նիւղերը կը կտրէ:



Ի՞նչ ըսել կ'ուզէ՝ «կցեմ, կցմցեմ»:

Հաւի ձուին ուրիշ ի՞նչ կ'ըսեմք:

Ցորենի հատիկները ինչպէ՞ս կը գատեն իր հասկէն:

Ի՞նչ ըսել է «կալ ընել», ուրեմն ո՞վ է կալուորը:

Մեղքս եկաւ. ըսէ՛ մէկ բառով մեղքը կու գայ = կը մեղ-
քընայ:

Արտերն ու այգիները ջրելու համար ջուրը ո՞ւր կէ եւ ինչ-
պէ՞ս կը բերեն: Ինչպէ՞ս կ'անուանեն ջուրը բերողն ու բաժ-
նողը:

Ի՞նչ ըսել է պոչատ աղուէս:

Պատմէ՛ ամբողջը, բայց առանց կրկնութիւններու. այ-
սինքն ամեն անգամ, որ աղուէսը բան մը կը խնդրէ, թող չը-
սէ, թէ առածը ինչ պիտի ընէ:

Գրէ՛, թէ ինչպէ՞ս եղաւ որ աղուէսին պոչը կտտուեցաւ
եւ ան ի՞նչ խնդրեց պառաւէն:

Գրէ՛, թէ կալուորը ի՞նչ կու տայ աղուէսին եւ աղուէսը
ի՞նչ կ'ընէ:

39. Թ Ի Թ Ե Ռ Ն Ի Կ Ն Ե Ր Ը

— Վա՛յ, մայրի՛կ, նայէ՛.

բազն ու դուռը լի
ինչքա՛ն ճեպ-ճերմակ
Թիթեռ կը թափի.
այսքան շատ թիթեռ
չէի տեսեր դեռ:

— Չէ՛, իմ մանչո՛ւկս,
թիթեռնիկ չէ՛ ան.

ծաղիկներուն հետ
թիթեռներն անցան.
ա՛ն, որ օդին մէջ
այդպէս կը խաղայ,
ձի՛ւնն է, որ փերթ-փերթ
վերէն կը տեղայ:

Թափուող ճիւղը ուրիշ ինչի՞ կը նմանի: «Անձրեւ կը տե-
ղայ», «Ձիւնը փերթ-փերթ վերէն կը տեղայ». ի՞նչ ըսել է տե-
ղալ. իսկ ի՞նչ է փերթը:

Պատմէ՛ քափուող ձիւնը նմանցընելով պզտիկ-պզտիկ պատուած քուղքի կտորներու . քող պզտիկ տղան հարցընէ՛ քէ ան ո՞վ է, որ վերէն կը պատուէ քուղքերը, ի՞նչ քուղք է եւ ինչո՞ւ կը պատուէ . եւ տո՛ւր մօրը պատասխանը :

40. ԾՏԻ ԳՈՒԼՊԱՆԵՐԸ

Զմեռ էր: Ծիտը կձկուեր նստեր էր մերկ ծառին վրայ: Կը մրսէին անոր բարակ տոտիկները:

— Ծի՛ւ, ծի՛ւ, գարունը որ գայ, ինձի համար գուլպայ պիտի գործեմ . — կ'ըսէր ան քովը նստած կաչաղակին:

Գարունը եկաւ: Ծիտը, ծի՛ւ, ծի՛ւ, կը ցատկըռտէր կանաչ տերեւներուն մէջ:

— Հապա ինչո՞ւ գուլպայ չես գործեր . — յարցուց կաչաղակը:

— Ի՛նչ, ե՞ս ով, գուլպա՞ն ով . — պատասխանեց ծիտը:


Ծիտը գարնան ինչո՞ւ խօսքը փոխեց:

Ի՞նչ ըսել է՝ «Ե՞ս եվ, գուլպա՞ն ով»:

Պատմէ՛ այն ձեւով, որ մէջը կաչաղակի մասին խօսք չըլլայ եւ ծիտիկի ըսածներն ալ իր մտածումները ըլլան:

Գրէ՛ ամբողջը եղածին պէս, միայն առանց կաչաղակի:

41. ԶԱՆԳԱԿՆԵՐԸ



Ժամկո՛չ աղբար, ժամկո՛չ աղբար,
ո՞ւր կ'երթաս .

Ժամի պզտիկ զանգակնե՞րը
պիտի տաս .

Ծի՛մ — պի՛մ — պի՛մ,

Ծի՛մ — պի՛մ — պի՛մ:

Ժամկո՛չ աղբար, ժամկո՛չ աղբար,
ո՞ւր կ'երթաս .

Ծանր ու մեծ զանգակնե՞րը .
պիտի տաս .

Թո՛ւմ — պո՛ւմ — պում ,
 Թո՛ւմ — պո՛ւմ — պում :

Ո՞վ է ժամկոչ — աղբարը :

Ի՞նչ ըսել է՝ «գանգակները տալ» : Եւ գանգակները ինչո՞ւ կու տան :

Պատմե՛լ լրացրնելով՝ ո՞վ է հարցընողը, ո՞ւր է կեցած, ինչո՞ւ կը կարծէ, որ գանգակները պիտի տայ . եւ ժամկոչը ի՞նչ կը պատասխանէ անոր երկու հարցումներուն :

42. ԳԻԻԼՆԱԶ ՆԱՆԻ շԵՔԻԱԹԸ

Ձմեռ էր . գիշերը երկար :

Գիւլնազ նանիկը գլուխը յեներ էր պատին ու կը ննջէր :

Մանուկները վրան թափեցան, քունը փախցուցին եւ ստիպեցին, որ իրենց համար հեքիաթ մը ըսէ :

Ան ալ սկսաւ .

«Եղեր է, չէ եղեր, սիրուն արտուտիկ մը : Կը տուցը սուր՝ մեր Արշակի քթին նման : Թեւերը փափուկ՝ Շողիկի կոներուն նման : Փետուրը դանդուր՝ Տիգրանի մազերուն նման : Ահա՛ այսպէս սիրուն էր արտուտիկը» :


— Հապա ինձի նման ոչինչ չունէ՞ր . — ըսաւ Վանին :

- Հապա ինձի՞ . — ճայն տուաւ Հռիփսիկը :
- Ինձի ալ չըսիր, նանի՛ . — լացաւ Նազիկը :
- Սպասեցէ՛ք, սպասեցէ՛ք, դեռ չեմ վերջացու-

ցեր . ամենուզ ալ բաժին կուտամ . — ըսաւ նանը ու շարունակեց .

«Աչուկները այնպէս նաշխուն էին, ինչպէս Վանիկի աչուկները :

Կատարն այնպէս կարմիր էր, ինչպէս Հռիփսիկի թշիկը :



Ոտքերը այնպէս բարակ էին, ինչպէս Նազիկի մատիկները» :

- Ես ոտքերը չեմ ուզեր . — ըսաւ Նազիկը :
- Ա՛խ, իմ Նազիկս, ըսել կ'ուզէի տոտիկները
- սրբազրեց նանը :
- Ձե՛մ ուզեր, տոտիկներն ալ չեմ ուզեր :
- Հապա ի՞նչը կ'ուզես :
- Ես աչուկները կ'ուզեմ :

— Աչուկները ինծի տուաւ նանիկը. քեզի չեմ տար.— գոչեց Վանին:

— Նազիկ, կ'ուզե՞ս, կատարը դուն վերցուր, տոտիկները՝ ես.— ըսաւ Հռիփսիկը:

— Չե՛մ ուզեր. ես աչուկները կ'ուզեմ.— պնդեց Նազիկը:

— Վանի՛ դուն կատարը վերցո՛ւր, ես՝ տոտիկները, իսկ Նազիկը՝ աչուկները:

— Ինչի՞ս է պէտք կատարը. նանիկը որուն ինչ որ տուեր է, ան է անորը:

— Իրա՛ւ կ'ըսէ Վանին.— ամէն կողմէն գոչեցին երեխաները:

Նազիկը գոհ չմնաց եւ վէճը շարունակուեցաւ: Բայց նանը ալ չէր լսեր. ան գլուխը դրեր էր բարձին ու քնացեր. ալ չկրցան արթնցընել: Իրենք ալ ելան ու մտան անկողին:

Յաջորդ իրիկունը նորէն հաւաքուեցան երեխաները նանի շուրջը, որ հեքիաթը շարունակէ: Ան ալ սկսաւ.

Անցած դարնան մեր պարտէզի ծառին վրայ սիրուն կկու մը կար: Ես նստեր էի ծառին տակը եւ դուք մէկիկ-մէկիկ եկաք քովս:

Երբ որ Արշակը ներս եկաւ, կկուն կանչեց.

— Կո՛ւ, կո՛ւ:

Եկաւ Շողիկը, կկուն կանչեց.

— Պո՛ւ, պո՛ւ:

Եկաւ Տիգրանը, կկուն կանչեց.

— Տո՛ւ, տո՛ւ:

Եկաւ Վանին, կկուն կանչեց.

— Ո՛ւ, ո՛ւ:

Եկաւ Հռիփսիկը, կկուն կանչեց.

— Հո՛ւ, հո՛ւ:

Եկաւ Նազիկը, կկուն ոչինչ չի կանչեց ու թուազնաց:

— Օ՛խ, օ՛խ, Նազիկ՛, օ՛խ. կկուն քեզի համար ոչինչ չէ կանչեր.— միաբերան ձայն տուին երեխաները:

Նազիկը շատ վշտացաւ, թէ ինչու կկուն անոր համար ոչինչ չէր կանչած. եւ սկսաւ լալ:

Նանը անոր ըսաւ.

— Նազիկ, դիտե՞ս ինչու կկուն քեզի համար ոչինչ չըսաւ: Ան վախցաւ քեզի համար բան մը ըսելու: Ինչ որ ըսէր, դուն չի պիտի հաւնէիր, ուրիշն ալ իրենը քեզի չէր տալու, ինչպէս անցած իրիկուն:

— Նանի՛, նանի՛, նորէն որ կկուն դայ, ըսէ՛, որ ինծի համար ալ բան մը կանչէ.— աղաչեց Նազիկը եւ անկէ ետքը շատ խելօքցաւ:

Քունը տարաւ. ըսէ՛ մէկ բառով:

Գլուխը յեներ էր. ըսէ՛ ուրիշ կերպով:

Կուռ = քեւ

Մագերը ի՞նչպէս պիտի ըլլան, որ ըսեմք գանգուր:

Ի՞նչ ըսել է՝ սրբագրել, պնդել, ննջել:

Վէճը ի՞նչ բան է:

Մանուկները ի՞նչպէս ստիպեցին նանիկը, որ հեքիաթ մը ըսէ:

Մանուկները. ուրիշ ի՞նչ բառեր կրնամք ըսել նոյն իմաստով:

Պատմէ՛ արտասիկի պատմութիւնը:

Պատմէ՛ կկուի պատմութիւնը:

Բացատրէ՛ քէ այդ երկու պատմութիւնները ինչո՞վ են իրարու կապուած:

Գրէ՛, ինչպէ՞ս եղաւ, որ նանը սկսաւ հեֆիաք պատմել
 եւ ինչպէ՞ս սկսաւ:

Գրէ՛, Նազիկը ինչո՞ւ վշտացաւ եւ վերջը ի՞նչ խնդրեց,
 չմտնաւ փոխուելուն պատճառը:


43. ՀԱՆՆԵԼՈՒԿՆԵՐ

Ան ի՞նչ է, ի՞նչ.

1. Ոտքերը կրակը, գլուխը երկինք:
2. Յերեկը տիկին, գիշերն աղախին:
3. Ասդին դար, անդին դար, մէջն անդադար:
4. Ձին գնաց, թամբը մնաց:
5. Լեզու մը ունի, լեզու չէ.
 մեզի կը կանչէ, մեզմէ չէ.
 ան ի՞նչ է:
6. Փախչիմ՝ կը վազէ ետեւէս,
 վազեմ ետեւէն՝ կը փախչի:
7. Քանի կտրեմ, կ'երկըննայ,
 քանի տաչեմ, կը հաստընայ:
8. Սեւ արարը պէխն ուրրեց,
 հազար-հազար մարդ գլորեց:
9. Աչուկներ, աչուկներ,
 Ոսկի, արծաթ աչուկներ.
 ցերեկները քնանան,
 գիշերները արթըննան:

Երբորդ հանելուկը ըսել կ'ուզէ. «Ան ի՞նչ է, որուն մէկ
 կողմը հետգհետէ կը բարձրանայ, դարիվեր է, միւս կողմն ալ
 դարիվեր է, իսկ մէջտեղը ամանկ բան մըն է, որ հանգիստ ու
 դադար չունի»:

Աղախին = սպասուհի, կին ծառայ:



ԵՐԿՐՈՐԴ ՄԱՍ

1. ՄԱՐՏԸ

Այս խենթ ամսին մարտ կ'ըսեն,
 հանգիստ չունինք երեսէն.

այսօր ուրախ, մեղմ օրիկ,
 վաղը աղմուկ, փոթորիկ.

առտուն կանուխ պայծառ օդ,
 ճաշին մութ է, անձրեւոտ.


օր մը ի՞նչ ցուրտ, օր մը տաք,
 հո՛ւ բաց, իսկ հո՛ն ամպի տակ.

հոս կը խնդայ, հոն կու լայ,
 ասանկ ալ խենթ բա՞ն կ'ըլլայ:

Ան ի՞նչն է, որ «հոս կը խնդայ, հոն կու լայ»: Ի՞նչն է
 խնդալու նմանցուցած եւ ի՞նչը լալու: Ինչո՞ւ:

Օդը ինչպէ՞ս պիտի ըլլայ, որ ըսենք՝ պայծառ:
 Պատմէ՛, քէ մարտ ամսին եղանակը ինչպէ՞ս կ'ըլլայ:
 Կրնա՞ս արտայայտեր այդ քոյրը մէկ բառով մը:

2. Ո՞ՒՐ Է ԻՄ ԱՐԵՒՍ



Կար ու չկար, փոքրիկ սիրուն աղջիկ մը կար:

Օր մը այդ փոքրիկ սիրուն աղջիկը արթնցաւ, նայեցաւ չորս դին, տեսաւ՝ մութ է: Այնպէս մութ էր, որ հագիւ գտաւ գուլպաները: Նայեցաւ լուսամուտին կողմը:

— Ո՞ւր է իմ արեւս, ըսաւ, ո՞ւր է իմ պայծառ արեւս:

Ելաւ, հագաւ կօշիկները, հագաւ վերարկուն ու գնաց, որ իմանայ՝ ո՞ւր է կորեր իր արեւը:

Երբ տունէն դուրս կու գար, դէմը ելաւ անձրեւը.

— Բարեւ քեզի, անձրե՛ւ, — ըսաւ փոքրիկ աղջիկը. — իմ արեւս չե՞ս տեսեր:

— Շը՛փ, շը՛փ, կը թրջեմ, ա՛յ կը թրջեմ. — ըսաւ անձրեւը:

— Հապա տեսնե՛նք. — խնդաց փոքրիկ աղջիկը ու բացաւ մայրիկի հովանոցը:

Դէմը ելաւ քամին:

— Ա՛յ քամի, դուն հեռու աշխարհներէն կու գաս, չգիտե՞ս, այսօր ուր է կորեր իմ արեւս. — ըսաւ փոքրիկ աղջիկը:

— Հո՛ւ, հո՛ւ, ճամբա՛յ տուր. — բարկացաւ քամին ու կորաւ գնաց:

— Վա՛յ, ի՛նչ կոպիտ է. — մտածեց աղջիկը ու առաջ անցաւ:

Գնաց, գնաց, տեսաւ երկնքէն իրարու ետեւէ կը վազէին սեւ-սեւ ամպերը:

— Է՛յ, ամպեր, սեւ-սե՛ւ ամպեր, իմ արեւս չե՞ք տեսեր. — կանչեց փոքրիկ աղջիկը: — Դուք հող արեւին այդքան մօտիկ կ'ապրիք:

Ամպերը ոչինչ չպատասխանեցին, խոժոռ դէմքերով անցան ու գացին:

Աղջիկը քիչ մըն ալ որ գնաց՝ տեսաւ վարդի թուփ մը:

— Թփի՛կ, սիրո՛ւն թփիկ, դուն բարի ես. չգիտե՞ս, ո՞ւր է կորեր այսօր իմ պայծառ արեւս:

— Ա՛խ, ես այնպէս ծարաւ էի, տերեւներս այնպէս փոշոտ, կոկոններս ալ կը թոռմէին. — փափոսաց վարդի թուփը՝ անձրեւի կաթիլները վրայէն թափ տալով:

— Ես քեզի իմ արեւս կը հարցնեմ. — ըսաւ փոքրիկ աղջիկը:

— Ա՛խ, ես այնպէս ծարաւ էի, այնպէս չոր էր: Անձրեւը եկաւ արմատներուս ջուր տուաւ, տերեւներս լըւաց:

Աղջիկը տեսաւ՝ անկէ ալ բան հասկնալիք չունի,
առաջ անցաւ:

Քիչ մըն ալ որ գնաց, տեսաւ ծիտիկ մը:

— Ծիտիկ—Միտիկ, չգիտե՞ս՝ ո՞ւր է իմ արեւս:

— Արե՞ւը: Կ'ուզե՞ս կանչեմ արեւը.— ըսաւ ծի-
տիկը:

Թռաւ, նստեցաւ բարձր ճիւղի մը ծայրը ու սկը-
սաւ երգել:

Առաջ կ'երգէր կամաց ու քնքուշ. բոլոր ծաղիկ-
ները իրենց թաց երեսները բարձրացուցին:

Ետքը աւելի զըւարթ ու աշխուժ. բոլոր կենդա-
նիները զուրս եկան իրենց պահուած տեղերէն:

Վերջն ալ այնպէս սրտանց ու հրաշալի, որ ինքը
արեւը գուրս հանեց գլուխը սեւ ամպերուն ետեւէն
ու ժպտեցաւ:

Ի՞նչ ըսել է՝ հաղիւ գտաւ:

Դէմքդ ի՞նչ պիտի ընես, որ դառնայ խոժոռ:

Բոյսերը ե՞րբ կը թոռմին. ինչո՞ւ:

Ո՞րն է վարդի կոկոնը:

«Վերաբկադ թա՛սի տուր». ինչպէ՞ս կ'ըսես ուրիշ կերպով:

«Քնքուշ ձայնով կ'երգէր». ըսէ՛ ուրիշ ձեւով:

Ի՞նչ ըսել է՝ աշխուժ:

Ե՞րբ կ'ըսենք՝ ժպտեցաւ, ե՞րբ կ'ըսենք՝ խնդաց:

Բան մը ինչպէ՞ս պիտի ըլլայ, որ ըսենք՝ հրաշալի:

Ի՞նչ ըսել է՝ «սրտանց երգեց», «սրտանց պատմեց»:

Պատմէ՛ քէ ինչպէ՞ս արթնցաւ փոքրիկ աղջիկը, ինչպէ՞ս
հագուեցաւ ու իջաւ իրենց պարտէզը, ի՞նչ խօսեցաւ վարդի
քուփին ու ծիտիկին հետ եւ ինչպէ՞ս գտաւ իր արեւը: Մի՛ խօ-
սիր մնացածներու մասին:

Պատմէ՛ քէ ինչպէ՞ս կ'ըլլայ երկինքը անձրեւէն առաջ.
ինչպէ՞ս կ'ըլլայ անձրեւի ժամանակ. եւ ինչպէ՞ս կ'ըլլայ անձ-
րեւէն ետքը:

Գրէ՛ քէ ինչպէ՞ս հագուեցաւ փոքրիկ աղջիկը եւ ո՞ւր
գնաց:

Գրէ՛, քէ ի՞նչ ըրաւ Ծիտիկ—Միտիկը, երբ բարձր ֆիւզի
մը ծայրը նստաւ. եւ ի՞նչ եղաւ հետեւանքը:

3. ԾՈՅԼ ԱՂՋԻԿ

Բանն ի՞նչ ընեմ՝ կեղտոտ է.
բամբակը կորիզոտ է.
մետաքս պէտք է, որ մանեմ,
ծամօն պէտք է, որ ծամեմ,
կտուրը ախտիկ ընեմ,
անցնողը մտիկ ընեմ,
ուտեմ, խմեմ, կշտանամ,
մուժը կոխէ՛ քնանամ:

Պորկ = կուտ

Աղջիկը ինչո՞ւ բամբակ մաքրելի չ'ուզեր: Բամբակը ինչո՞ւ
կը մաքրեն:

Բամբակէ գատ ուրիշ ինչէ՞ քել կը մանեն:

Պատմէ՛ քէ գիւղացի ծոյլ աղջիկը իր օրը ինչպէ՞ս անցընելի
կ'ուզէ:

Պատմէ՛ քէ ֆաղափացի՞ ծոյլ աղջիկը ինչպէ՞ս անցընելի պի-
տի ուզէր:

4. ԲՐԲՐՈՒԱԾ ԳՐՔԵՐ

Թոռնիկը իր մեծ-մօրը հետ նոր էր դարձեր եկեղեցիէն, պինդ սեղմեր էր երեսին իր հայերէնի դասագիրքը եւ բոլոր ուժովը կը համբուրէր:

— Ա՛յ, տղա՛յ, ինչո՞ւ կը համբուրես այդ քըրքըրուած, հինցած գիրքը. — հարցուց հայրը յանդիմանելու ձայնով:

— Հապա դուք ինչո՞ւ կը համբուրէք ժամունքը քըրքուած հին գիրքը: Դուք ձեր ժամունք գիրքը կը սիրէք, ես ալ կը սիրեմ իմ դպրոցիս գիրքը. — պատասխանեց փոքրիկը:

— Քալէ՛, քալէ՛, երթա՛նք հաց ուտենք եւ Աստուած քեզի խելք տայ. — կը խնդար հայրիկը տղու ձեռքէն քաշելով:

Նկարագրէ՛ ինչպէ՞ս կ'ըլլայ քըրքուած գիրքը:

— Ինչպէ՞ս կ'ըլլայ յանդիմանելու ձայնը:

Ո՞րն է հինի հակառակը: Չորի հակառակը:

Ինչո՞ւ համար է եկեղեցին, ինչո՞ւ համար է դպրոցը:

Ինչո՞ւ համար է գիրքը. եւ ի՞նչ բան է:

Նկարագրէ՛ բազմութիւնը եկեղեցիին մէջ, լոյսերը, երգիչները, տէրտէրը: Տէրտէրը կը վերջացնէ ժամը եւ ամէնքը կուգան Սուրբ Գիրքը համբուրելու: Փռփրիկ տղան, կեցած կը նայի այդ բոլորին, կը գարմանայ եւ ի՞նչ կը մտածէ:

Գրէ՛ երկու գրքերուն ամբողջ պատմութիւնը:

5. ԳՐԻԶ

Գրի՛չ, խնդրե՛մ, աս ի՞նչ բան է. քիչ մը արդար եղիր գոնէ. տե՛ս, քուրիկիս մատներուն տակ կը գրես վարժ, շուտ ու յստակ:

Երբ ես կ'առնեմ՝ կը խաղմըղես, սեւ ազոռաւի ճանկերուն պէս. գրէ՛, խնդրե՛մ, սիրուն, բարակ ու քիչ մըն ալ, կարծեմ, արագ:

Իսկ գրիչը ոչինչ չըսեր. բայց շարունակ կը խաղմըղէր. միայն քիչ-քիչ արդէն, կարծես, ծիտիկը մը ճանկերուն պէս:

Ինչպէ՞ս պիտի գրես, որ գրածդ ըլլայ յստակ:
Ինչպէ՞ս պիտի գրես, որ ըսեմ՝ վարժ կը գրես:
Սկիզբը անոր գիրը ինչի՞ է նմանցուցած, ինչո՞ւ. Ե՞տքը ինչի է նմանցուցած, ինչո՞ւ:

Պատմէ՛ լրացնելով, թէ ո՞վ է ըսողը, ի՞նչ տարիքի է, ո՞ւր է կեցած, Ե՞րբ. եւ ինչո՞վ կը վերջանայ:



6. ԶՈՐԱ ԳՈՐԾՈՂՈՒԹԻՒՆ

Հաշիւ ըսածդ շատ դժուար բան չէ՛ :
 Գումարելը ամենէն դիւրինն : Նոր հիւրեր կ'աւել-
 նան եղած հին հիւրին :
 Հանելն ալ գումարելուն հակառակը . մեծ թիւէն
 պակսի պիտի փոքրիկ անառակը :
 Բազմապատկելը պէտք է աղէկ միտք պահուի,
 թէ քանի՞ անգամ քանի :
 Բաժնելը քիչ մը ծուռ կ'երեւայ նոր սորվողին .
 բայց բան չկայ, կը բաժնենք, մանաւանդ, եթէ բաժ-
 նելիքը նուշ է ու կաղին :

- Ի՞նչ ըսել է՝ անառակ տղայ է :

Ըսէ՛, որո՞նք են քրտամութեամ չորս գործողութիւննե-
րը, եւ ամէն մէկը ի՞նչ ըսել է :

- Գրէ՛ ամբողջ պատմութիւնը :

7. ԱՆՅԱԶՈՂ ԴԱՍ ՄԸ

Կարդա՛, ա՛յ չուն, կարդա՛ տեսնեմ,
 չե՞ս յիշեր .
 քեզի այնքան ես կրկներ եմ
 այս դիշեր :
 Ի՞նչ կը նայիս, յիմարի պէս,
 տետրակին,
 պոչդ յամառ պինդ կը զարնես
 յատակին :

Ի՞նչ ալ լայն-լայն կը յօրանջես,
 յոգնե՞ր ես :
 Զէ՛, ուսումի դուն յարմար չես :
 կը ներես :

Ինչի՞ն կ'ըսեմք յօրանջել :
 Յիշէ՛ . ուրիշ ինչպէ՞ս կրնաս ըսեր :
 Որո՞ւն կ'ըսեմք յիմար :
 Մարդ ի՞նչ բաներէ կը յոգնի :
 Ըսէ՛ քանի մը բան, որ յատակ ունենայ :
 «Ուսումի յարմար չես» . ըսէ՛ ուրիշ կերպով :
 «Անյաջող դաս» . ինչպէ՞ս կ'ըլլայ հակառակը :

յիշել	յոգնիլ	յօրանջել
յամառ	յարմար	յիմար
յաջող,	անյաջող	
յատակ,	անյատակ	
յարմար,	անյարմար	

Պատմէ՛ լրացնելով ու բացատրելով, թէ ո՞վ է շան հետ
 այս փորձը ընողը, ե՞րբ, ի՞նչ առիթով եւ ինչո՞ւ չի յաջողե-
 ցաւ :

Պատմէ՛ ուրիշ ա՛յն տեսակ փորձ մը, որ յաջողի :



8. ՀԱՄԲՈՐԴՆԵՐ

Օր մը աքլորը բարձրացաւ կտուրը, որ աշխարհք տեսնէ: Վիզը երկարեց, ձիգ սուլաւ, բայց բան չտեսաւ: Դիմացի լեռը կը խանդարէր:

— Քուչի՛ աղբար, կարելի է դուն գիտնաս՝ ի՞նչ կայ այս լեռան ետեւը:

— Չգիտե՛մ. — պատասխանեց Քուչին:

— Հապա մինչեւ ե՞րբ պէտք է այսպէս տգէտ մնանք: Եկո՛ւր, երթանք նայինք՝ ի՞նչ կայ, ի՞նչ չկայ աշխարհիս վրայ:

Շունը համաձայնեցաւ: Խօսք մէկ ըրին ու փախան:

Գացին, դացին, իրիկունը հասան անտառ: Գիշերը մնացին հոն: Շունը պառկեցաւ թուփի մը տակ, իսկ աքլորը թառ ելաւ մօտիկ ծառին ու քնացան:

Լուսադէմին աքլորը կանչեց. ծուղորուղո՛ւ:

Աղուէս մը լսեց աքլորին ձայնը:

— Վա՛յ, ա՛ս ուրիշ ելաւ. ա՛յ, լաւ նախաձաշիկ, — մտածեց աղուէսը ու վազեց:

— Բարի լո՛յս, սանահայր աքլոր: Ի՞նչ բանի ես այս կողմերը:

— Կ'երթանք աշխարհք տեսնելու:

— Օ՛, ի՞նչ լաւ բան էք մտածեր. — խօսեցաւ աղուէսը: — Քանի ժամանակ է ես ալ շնորհքով ընկեր մը կը փնտռէի: Ի՞նչ աղէկ եղաւ՝ պատահեցանք: Դէ՛, վար իջիր, որ չուշանանք:

— Ես համաձայն եմ. — ըսաւ աքլորը. — տե՛ս, եթէ ընկերս ալ համաձայն է՝ իջնեմ երթանք:

— Ընկե՞րդ ուր է:

— Հո՛ն թուփին տակ:

«Ասոր ընկերն ալ երեւի իրեն նման աքլոր մը պիտի ըլլայ, ան ալ իմ ճաշ»։ մտածեց աղուէսը ու վազեց թուփին կողմը:

Յանկարծ որ շունը տակէն դուրս չեկա՛ւ, մեր աղուէսը կծիկը դրաւ. փախա՛ւ, ի՞նչ փախաւ:

— Կեցի՛ր, աղուէ՛ս աղբար, մի՛ շտապեր, որ մենք ալ գանք. այդպէս ընկե՞ր կ'ըլլայ. — ծառին գլխէն ձայն կուտար աքլորը:

Ի՞նչ ըսել է խանդարել:

Ի՞նչ տեսակ մարդուն կ'ըսեմք տգէտ:

Ինչո՞վ կը տարբերի թուփը ծառէն:

Որո՞ւն կ'ըսեն սանահայր, որո՞ւն կ'ըսեն սանամայր. իսկ ո՞վ է սանիկը:

Ի՞նչ ըսել է՝ «կծիկը դրաւ»:

Ո՞րն է ճաշը, ո՞րն է ընթրիքը. իսկ ինչի՞նչ կ'ըսեմք նախաձաշիկ ու նախընթրիք:

Պատմե՛ ամբողջ պատմութիւնը ափորին բերնէն:

Պատմե՛ ամբողջը շան բերնէն:

Պատմե՛ աղուէսին բերնէն:

Գրե՛ այն մասը, ուր նկարագրուած է, թէ ինչպէ՞ս եղաւ, որ շունն ու ափորը գացին անտառ:

Գրե՛ այն մասը, ուր նկարագրուած է, թէ ինչպէ՞ս եղաւ, որ աղուէսը մտեցաւ ափորին եւ անոր ընկերանալ առաջարկեց:



9. ԵՐԿՈՒ ԵՒ ՄԷԿ

Երկու աչք ունիս եւ մէկ բերան, որ տեսնես շատ բան, բայց խօսիս կէսին չափ միայն:

Երկու ականջ ունիս եւ մէկ բերան, որ սորվիս շատ բան, բայց խօսիս կէսին չափ միայն:

Երկու ձեռք ունիս եւ մէկ բերան. բերնիդ յոյսը դի՛ր ձեռքերուդ վրան:

Պատմէ՛ մանրամասն, թէ ինչո՞ւ համար է բերանը, աչքը, ականջը եւ ձեռքը:

Ո՞վ է բերնին ուտելիքը հասցընողը:

Ի՞նչ բան է՝ «բերնիդ յոյսը դի՛ր ձեռքերուդ վրան»:

Արտագրէ՛ ամբողջը:

10. ԶԵՌՔԻ ՄԱՏՆԵՐԸ

Ճկոյթն ըսաւ՝ Եկէ՛ք ուտենք:

Մատնեմատն ըսաւ՝ Ի՞նչ ուտենք:

Միջի-մատն ըսաւ՝ Աստուած կու տայ:

Յուցամատն ըսաւ՝ Թէ՛ որ չտա՞յ:

Իութ մատն ըսաւ՝ Գողնա՛նք ուտենք:

Աստուած բարկացաւ, զարկաւ բուժ մատի գլը-խուն, բաժնեց միւսներէն, քչեց վար ու հրամայեց, որ ծառայէ միւսներուն:

Համեմատէ՛ մարդու ձեռքին ու ոտքին կազմը. ո՞րն է գլխուդ տարբերութիւնը. ի՞նչ է այդ տարբերութեան հետեւանքը. ինչո՞ւ համար է ձեռքը, ինչո՞ւ համար է ոտքը:

Ի՞նչ կենդանիներ գիտես, որոնք ոտքով կը քնեն. անոնց ոտքին բուքը ինչպէ՞ս է դրուած:

Պատմէ՛ այնպէս, իբրեւ թէ հինգ մատերուն տեղը հինգ եղբայր ըլլան. ինչպէս կ'ըլլայ որ անգամ մը անօթի կը մնան, պզտիկը կու լայ, միւսները ի՞նչ կ'ըսեն, մեծը ի՞նչ կ'առաջարկէ, ի՞նչ կ'ընեն եւ հետեւանքը ի՞նչ կ'ըլլայ:

11. Հ Ի Ն Գ Ա Ղ Բ Ա Ր

Ճստիկ ճկոյթ,

աղա մատնեմատ,

երկար — լուրդ միջնամատ,


աման — լիզող ցուցամատ,

ծառայ բուժ:

Բացատրէ՛ ամէն մէկուն մականունը. այսինքն ինչո՞ւ մէկուն ճստիկ կ'ըսենք, միւսին՝ աղա. աչքի առաջ ունեցիր, որ լուրդ կ'ըսենք շատ երկարահասակ մարդուն:



12. ԳՈՒԼՊԱՅ ԳՈՐԾԵԼՈՒ ՄԻԼԵՐԸ



Գուլպայի չորս միլերը, պարծեցան, ըսին.
 — Մենք որմնադիր ենք ու պատ կը հիւսենք:
 Հինգերորդ միլը ծաղրեց ու ըսաւ.
 — Իսկ ի՞նչ կը հիւսէք, թէ որ թեւ չի տամ:

Որո՞ւն կ'ըսեն՝ որմնադիր:

Ի՞նչ ըսել է պարծենալ:

«Գուլպայ գործել» . ուրիշ կե՞րպ:

Միլը ինչէ՞ է շինուած: Գուլպայէ գատ ուրիշ ի՞նչ կը հիւսեն միլերով:

Գուլպայի միլերը ինչո՞վ են նման ձեռքին. ո՞րն է բուք մատին դերը խաղացողը:

13. ԳԱՐՆԱՆ ԿԱՐՑ

Կարօտ ենք տեսքիդ, աննմա՛ն գարուն, չո՛ւտ եկուր մեզի ու բե՛ր տաք օրեր, բե՛ր պայծառ արեւ, բե՛ր ծաղիկ սիրուն, ճըւըլող թռչուն, բե՛ր կանաչ դաշտեր:

Թող բացուի՛ն, ծաղկի՛ն, վարդ, մեխակ, շուշան. բա՛ց մեր դռները, բա՛ց մեր պատուհան. փակուած սենեակէ՛ն ելլենք ազատուինք, կանաչ դաշտ երթանք, խաղանք, գլտորուինք:

Ի՞նչ ըսել է՝ կարօտեր եմ:

Համեմատե՛լ իրարու հետ վարդը եւ մեխակը:

Համեմատե՛լ դուռը եւ պատուհանը:

Ի՞նչ պիտի ընենք, որ դառնայ գլտորուիլ:

Կարդա՛ այնպէս որ իբրեւ թէ այդ քնիւրը արդէն կատարուած է: Այսինքն՝ «կարօտեր էիմ տեսիլդ, դուք եկար ու...»:

Նկարագրե՛լ գարնան ատու մը այնպէս որ ոտանաւորին մէջ եղած բոլոր բաները յիշուին:

14. ԶԱՄԲԻՒՂԸ

Հօրաքոյրը գիւղէն եկեր էր հիւր:

— Բարե՛ւ, բարե՛ւ, հօրքուրի՛կ. — կանչեցին փոքրիկները եւ աղմուկով վրան վազեցին:

Հօրաքոյրը ձեռքի զամբիւղը դրաւ աթոռին ու ըսաւ.

— Հապա՛, գտէ՛ք նայիմ՝ ի՞նչ եմ բերեր ձեզի:

— Հաւկի՛թ ... ի՛ւղ ... պանի՛ր... ալի՛ւր... մե՛ղր... բացականչեցին մանուկները մէկը միւսի ետեւէն:

- Զէ՛, չէ՛, կենդանի է:
- Վառի՛կ... հա՛ւ... բա՛ղ... սա՛ղ...
- Ո՛ւչ, ո՛ւչ, չորս ոտք ունի:
- Գառնո՛ւկ ... հո՛րթ ... ոչխար ... կով ...

գոմէջ...

— Ա՛յ, խելօքնե՛ր, այս զամբիւղի՞ն մէջ: Լաւ մտածեցէք: Երկա՛ր-երկար ականջներ ունի:

— Է՛շ.— պոռաց մէկը:

Ու բոլորը միասին խնդացին:

— Է՛, չգիտցա՛ք.— ըսաւ հօրաքոյրը ու ծածկոցը բացաւ:

Զամբիւղին անկիւնը երկիւղէն կծկուեր էր ձիւնի պէս ճերմակ սիրուն նապաստակ մը:

Ի՛նչ ուրախութիւն էր:

Ո՞ւրիկ կ'ըստանանք հակիթը, իւղը, պանիրը, ալիւրը եւ մեղրը:

Վառիկը ի՞նչ քան է:

Հաւր եւ բաղը համեմատե՛լ իրարու:

Ինչի՞ կը գործածենք էշը, ինչի՞ կը գործածենք գոմէշը:

Երկիւղի փոխարէն ի՞նչ կ'ըսենք սովորաբար:

Ուրիշ ի՞նչ բան կրնաս յիշել, որ «ձիւնի պէս ներմակ» ըլլայ:

Պատմե՛լ ամբողջ պատմութիւնը հօրաքոյրը գալու ատենը հոն եղած փոքրիկներէն մէկուն բերնովը:

Պատմե՛, քէ ինչպէս հօրաքոյրը կը պատրաստուէր քաղաք երթալու, ինչպէս նուէր մը տանիլ կ'ուզէր, ինչպէս բռնեց, ո՞ւր դրաւ եւ ինչպէս նամբայ ինկաւ. նամբան կառքին մէջ ի՞նչ կը մտածէր:

Գրեցե՛ք միայն այն կտորը, ուր հօրաքոյրը կ'առաջարկէ գուշակին իր բերածը եւ տղաքը ի՛նչ ենթադրութիւններ կ'ընեն:

15. Ծ Տ Ի Ն Ե Ք Ի Ա Թ Ը

Կար ու չկար ծիտ մը:

Անգամ մը այս ծտին ոտքը փուշ կը մտնէ: Ասդէին կը թռչի, անդին կը թռչի, կը տեսնէ՛ պառաւ մը ցախ կը փնտռէ, որ թոնիրը վառէ, հաց թխէ: Կ'երթայ կ'ըսէ.

— Մա՛միկ, մա՛միկ, ոտքիս փուշը հանէ՛, թոնիրդ վառէ՛. ես ալ երթամ քջուջ ընեմ, գլուխս պահեմ:

Պառաւը փուշը կը հանէ, թոնիրը կը վառէ:

Ծիտը կ'երթայ կուգայ, թէ՛

— Իմ փուշս ե՛տ տուր:

Պառաւը կ'ըսէ.

— Փուշը թոնիրն եմ նետեր:

Ծիտը կը կենայ, թէ՛

— Փուշս տո՛ւր, թէ չէ ասդին թռչիմ, անդին թռչիմ, լօշիկդ առնեմ, դուրս թռչիմ:

Պառաւը լօշ մը կուտայ: Ծիտը լօշը կ'առնէ ու կը թռչի:

Կ'երթայ, կը տեսնէ՛ հովիւ մը նստեր կաթ կ'ուտէ անհաց: Կ'ըսէ.

— Հովի՛ւ աղբար, կաթը ինչո՞ւ անհաց կ'ուտես:

Ա՛յ, լօշը ա՛ռ, բրդէ՛ կաթին մէջ, կե՛ր. ես ալ երթամ քջուջ ընեմ, գլուխս պահեմ:

Կ'երթայ, կուգայ, թէ՛

— Լօշս տո՛ւր:

— Կերայ.— կ'ըսէ հովիւը:

— Զէ՛, կ'ըսէ,— լօշս տուր, թէ չէ ասդին թռչիմ, անդին թռչիմ, գառնուկդ առնեմ դուրս թռչիմ:

Հովիւը ճարահատ դառ մը կուտայ: Ծիտը կ'առնէ ու կ'երթայ:

Կ'երթայ, կը տեսնէ՝ տեղ մը հարսնիք կ'ընեն, մտացու չունին, որ մորթեն: Կ'ըսէ.

— Ի՞նչ էք մոլորեր: Ա՛յ, առէ՛ք դառս, մորթեցէ՛ք, քէ՛ֆ ըրէք: Ես ալ երթամ, քջուջ ընեմ, գլուխս պահեմ:

Կ'երթայ, կուգայ, թէ՛

— Գառս տուէ՛ք:

— Մորթեր ենք, — կ'ըսեն, — կերեր ենք. ուրկէ՞ տանք:

Սա կը կայնի, թէ՛

— Չէ՛. դառս տալու էք տուէք, թէ չէ՛ ասդին թռչիմ, անդին թռչիմ, հարսիկն առնեմ, դուրս թըռչիմ:

Ու հարսը կ'առնէ, կը թռչի:

Կ'երթայ, կ'երթայ, կը տեսնէ՝ աշուղ մը, որ ճամբով մը կ'երթայ: Կ'ըսէ.

— Աշուղ աղբար, ա՛ն այս հարսը, պահէ՛ մօտդ: Ես ալ երթամ, քջուջ ընեմ, գլուխս պահեմ:

Կ'երթայ, կու գայ, աշուղին առջեւը կը կտրէ, թէ՛

— Իմ հարսս ինձի՛ տուր:

Աշուղը կ'ըսէ.

— Հարսը գնաց իրենց տուն:

Սա թէ՛

— Չէ՛. իմ հարսս տո՛ւր, թէ չէ՛ ասդին թռչիմ, անդին թռչիմ, սաղիկդ առնեմ, դուրս թռչիմ:

Աշուղը սաղը կը հանէ, կու տայ անոր:

Սաղը կ'առնէ, կը նետէ ուսը, կը թռչի, կը թառի տեղ մը, կ'ըսկսի նուագել ու ճաւղտալով երգել:



Ծը՛նդլը, մընգլը, ծ՛իւ, ծի՛ւ.
Փշիկ տուի, լօշիկ առի,
լօշիկ տուի, դառնիկ առի,
դառնիկ տուի, հարսիկ առի,
հարսիկ տուի, սաղիկ առի,
սաղիկ առի ու թառեցայ,
ա՛յ, թառեցայ, աշուղ դարձայ.
Ծը՛նգլը, մընգլը, ծի՛ւ, ծի՛ւ:

Պատարը ո՞ւրտեղ ցալս կը փնտռեր:
Հացը ի՞նչ պիտի ընեմք, որ թխուի:
Հարս ինչո՞ւ քջուջ կ'ընէ. ինչպէ՞ս կ'ընէ:
Ի՞նչ ըսել է. «Տղան իր գլուխը կը պահէր»:
Լօշ կամ լաւաշ կ'ըսեմք լաթի նման բարակ ու երկար
թխուած հացին:
Ե՞րբ կ'ըսեմք մէկուրեք համար ճարահաս:
Հարսնիքը ի՞նչ բան է:
Մարդս ի՞նչ վիճակի մէջ պիտի գտնուի, որ ըսեմ մոլոր-
րեր է:
Աշուղի գործը ի՞նչ է:
Ի՞նչ ըսել է՝ «մարդուն քայտը կտրեց»:
Կրնա՞ս ըսեր, սաղը ինչո՞վ կը նմանի ջուքակին, եւ անկէ
ինչո՞վ կը տարբերի:
Ինչո՞վ կ'երգենք, ինչո՞վ կը նուագենք:
Պատմե՛ միայն, թէ ծիտը ի՞նչ խաղ բերաւ պատարի գըլ-
խուն:
Պատմե՛, թէ ան ի՞նչ խաղ խաղաց հովուի գլխուն:

Պատմէ՛ հարսնեւորներուն ըրած խաղը :
Պատմէ՛ քէ ծիտը ինչպէ՛ս աշուղ դարձաւ :


Գրէ՛, քէ ինչպէ՛ս պատար իր քոնիքը վառեց :
Գրէ՛, քէ ի՞նչպէս ծիտը գառան մը տէր կը դառնայ :

16. ԿՌՈՒՆԿՆԵՐԸ

Կը՛ռ, կը՛ռ, կռկռան
կռունկները, հա՛, թռան.
կռունկներու թեւին տակ
եկաւ գարուն մեր դռան :

Ինչո՞ւ կ'ըսէ՛ «կռունկներու քեւին տակ եկաւ գարունը» :
Այս չորս տողը ինչպէս կ'ըսես աշնան :

17. ԱՍՏԾՈՒ ՍԵՂԱՆԸ



Գարունը բարի Աստուածը ըսաւ.
— Սեղա՛ն բացէ՛ք փոքրիկ ճիճուներուն համար :
Եւ իսկոյն կեռասենին ծածկուեցաւ կանաչ տե-
րեւներով :

Արթնցան փոքրիկ ճիճուները, սկսան կրծել
թարմ տերեւները եւ ըսին .

— Ո՞վ է պատրաստեր մեզի համար այս հրաշալի
սեղանը :

Բարի Աստուածը նորէն ըսաւ .

— Սեղա՛ն բացէ՛ք ժիր մեղուին համար :

Եւ իսկոյն կեռասենին բացաւ իր ճերմակ ծաղիկ-
ները :

Մեղուն արթնցաւ արշալոյսին ու տղտղալով թը-
ռաւ դէպի կեռասենին : Կը թռչէր ծաղիկէ ծաղիկ ու
ամենէն մէյմէկ կաթիլ կը ծծէր :

— Ա՛խ, ի՛նչ անուշ խմիչք է . — կը մտածէր ան
իր փեթակը շտապելով, — աս ո՞վ է պատրաստեր
ինձի համար :

Եկաւ ամառը : Ու բարի Աստուածը ըսաւ .

— Սեղա՛ն բացէ՛ք փոքրիկ թռչուններուն համար :

Եւ իսկոյն կեռասենին վրայ երեւացին թարմ ու
կարմիր պտուղները :

Կ'ուտէին փոքրիկ թռչնակները ու կը խաղային :

— Ա՛խ, ի՛նչ լեցուն սեղան է . աս ո՞վ է պատ-
րաստեր մեզի համար :

Աշունը բարի Աստուածը ըսաւ .

— Լիացան ամենքը . հաւաքեցէ՛ք սեղանը :

Եւ իսկոյն ելաւ պաղ քամին, թափեց տարաւ
պեղնած տերեւները :

Մերկ կեռասենին կը դողար ցուրտէն :

— Ծածկեցէ՛ք, որ չի մրսի . — ըսաւ բարի Աստ-
ուածը :

Իսկոյն եկաւ ձմեռը ու փափուկ ճիւնով ծածկեց
կեռասենին մերկ ճիւղերը :

Ճիճու—որդ

Ի՞նչ տեսակ տղան է ժիր :

Ի՞նչ բան է փեթակը :

Ինչի՞ն կ'ըսենք՝ *խմբիչք*: Տո՛ւր մեկ-երկու խմբիչքի անուն: Պտուղը ե՞րբ է քարմ. հացը ե՞րբ է քարմ: Լուրը ե՞րբ է քարմ: Ուրեմն ի՞նչ ըսել է *թարմ*:

«Լիացան ամենքը». աւելի սովորական կերպով ի՞նչպէս կ'ըսենք:

Ի՞նչ կ'ընենք, որ մերկ չի մնանք. ուրեմն ի՞նչ ըսել է *մերկ*: Պատմե՛ք է ինչ փոփոխութիւններու կ'ենթարկուի կեռասի ծառը գարունէն մինչեւ ձմեռ, եւ ո՞վ կը վայլէ անոր տերեւները, ծաղիկները, պտուղները. չմտնա՛ս նաեւ մարդը: Բոլորը պիտի պատմես առանց որեւէ խօսակցութեան:

Գրե՛ք միայն այն մասը, ուր սեղան կը բացուի մեղուներուն համար:

18. ԳԱՐՆԱՆ ԱՄԻՍՆԵՐՈՒՆ ՆՈՒԷՐԸ

*Մարտը կու տայ մեզ ձնծաղիկ,
ապրիլը՝ կապոյտ մանուշակ,
մայիսին կը բացուի վարդը,
սոխակը կ'երգէ անուշակ:*

Որո՞նք են ամառուան ամիսներուն նուէրը: Ի՞նչ պտուղներ կը հասնին յունիսին, ի՞նչ պտուղներ կը հասնին յուլիսին եւ ի՞նչ պտուղներ կը հասնին օգոստոսին:



19. ԱՆՕԹԻ ՃՈՒՏԻԿՆԵՐԸ

Բոյնին մէջ ճնճողուկին ճուտիկները կը ճըճըւային, ճի՛ւլ, ճի՛ւլ, ճի՛ւլ:

— *Ճի՛կ, ճիկ՝ճի՛կ, ի՞նչ կը հաճիք.— հարցուց մայր ճնճողուկը:*

— *Ճի՛-ճո՛ւլ, ճի՛-ճո՛ւլ.— ճըճըւացիին ճուտիկները:*

Եւ մայր ճնճողուկը թռաւ բոյնէն դուրս որդեր փընտռելու:

Ի՞նչ կը հանիք = ի՞նչ կ'ուզէք, ի՞նչ կը հրամայէք:

Պատմե՛ք լրացրնելով. բոյնին մէջ ճուտիկները մինակ են մնացեր, ի՞նչ կ'ընեն. մայրերնին կու գայ, ինչպէ՞ս, ի՞նչ կը հարցրնէ, եւ ո՞ւր կ'երթայ նորէն, ինչպէ՞ս:

20. ԱՐԱԳԻԼՆԵՐՈՒՆ ԴԱՐՁԸ

Ձով առու մըն էր, երբ արագիլը իջաւ գիւղին վրայ իր հին բոյնը:

Երեխաները բակը կը խաղային:

— *Բարե՛ւ, փոքրիկնե՛ր, — ձայն տուաւ արագիլը*

իր բարտիին ծայրէն:

— *Արագիլը եկե՛ր է, արագիլը եկե՛ր է.— ուրախացան երեխաները:*

— *Մեր գիւղը նոր ի՞նչ կայ, չկայ:*

— *Է՛, քու երթալէդ ետքը այնքան բան է պատահեր.— բացականչեց մանուկներէն մէկը:*

— *Այնպէս ցուրտ էր, այնպէս ձմեռ. դուն գըլուխդ լաւ ազատեցիր.— վրայ բերաւ մէկ ուրիշը:*

— Իսկ իմ քուրիկս ամուսնացաւ. ափսո՛ս որ հոս
չէիր. հարսնիք ըրինք, ուրախութիւն ըրինք. — շտա-
պեց յայտնելու երրորդը:

— Նայէ՛, հայրիկս կաղընդին ինծի համար հաստ
կըռնակներով կօշիկներ առաւ. — ցոյց տուաւ ուրիշ
մը իր կօշիկները:

— Իսկ ես արդէն դպրոց կ'երթամ. — պարծեցաւ
փոքրիկ աղջիկ մը:

— Արագիւր դեռ հոս էր, որ քեզի դպրոց տա-
րին. — կտրեց անոր խօսքը մեծ եղբայրը: — Ի՞նչպէս
կուլայիր, երթալ չէիր ուզեր:

— Ե՞ս... Ե՞ս... — կմկմաց աղջիկը եւ նորէն
դարձաւ արագիւրին. — հիմա ես արդէն ազատ կը կար-
դամ:

Արագիւր բարտիին ծայրէն ծանր-ծանր գլուխը
երերցուց: Կարծես ըսել կ'ուզէր.

— Ապրի՛ս, ապրի՛ս, աղէկ կ'ընես:

Ե՞րբ է կաղընդը:

«Զով առտու մը». «ցուրտ առտու մը». ի՞նչ տարբերութիւն
ունին իրարմէ:


Ի՞նչ տեսակ խօսելուն կ'ըսենք՝ կմկմալ:

Ազատ կարդալ չկրցողը ինչպէ՞ս կը կարդայ:

Փոքրիկ աղջիկը քիչ մը ետքը կը պատմէ մօրը իրենց արա-
գիլի դարձը եւ երեխաներուն մէջ տեղի ունեցած խօսակցու-
թիւնը:

Գրէ՛ միայն փոքրիկ աղջկան պարծեմալը:

21. ԳՈՐՏՆ ՈՒ ԱՐԱԳԻԼԸ



Գետին եղերքը արագիւրը գորտ մը բռնեց ու կու-
տուաւ:

Միւս գորտը տեսաւ ու արագ մտաւ խորը քարի
մը տակ:

— Սիրո՛ւն գիրուկ, ո՞ւր կը փախչիս. — կանչեց
արագիւրը ետեւէն: — Եկո՛ւր, եկո՛ւր, լաւ լուր ունիմ
քեզի տալու:

— Գիտե՛մ, գիտե՛մ քու լաւ լուրդ. արդէն ընկե-
րոջս տուիր. — պատասխանեց գորտը ու աւելի ամուր
մտաւ քարին տակը:

Ինչպէ՞ս կ'ըլլայ այս պատմութիւնը, եթէ առաջին գորտին
հետն է, որ կը խօսի արագիւրը եւ քարին տակէն դուրս կը կանչէ:
Գրէ՛ արագիլի տալիք աղուոր լուրին պատմութիւնը:

22. ԳՈՐՏԵՐԸ

Գորտը գորտին ձայն կու տար:

— Քեռին մեռեր է, քեռին մեռեր է:

— Ե՞րբ, ե՞րբ, ե՞րբ:

— Մէ-կէ-կէ-կալ օրը, մէ-կէ-կէ-կալ օրը:

— Ըղո՞րդ, ըղո՞րդ, ըղո՞րդ:

Որո՞ւն կ'ըսենք քեռի:

Ուղո՞րդ, կամ ըղո՞րդ կամ ղո՞րդ = ուղի՞ղ, իրա՞ւ:

23. ՄԵՂՈՒ

Հա', ծագեցաւ արեգակը,

Հա', ծաղկեցաւ մանուշակը,

Մեղուն թողեց իր փեթակը

Տըզտըզալով, տըզտըզալով:

Մեղուն թռաւ ծաղիկներուն,

Մեղը բերաւ փոքրիկներուն,

Կըճ ու խայթոցն ալ չարերուն

Կըսկըծալով, կըսկըծալով:

Ի՞նչ կենդանիներ գիտես, որ կը խայթեն:

Ի՞նչ ըսել է կըճ, «կըն ընել»:

Ի՞նչն է որ կը կսկծայ:

Պատմե՛ք է առտուն կանուխ, ինչպէս մեղուն դուրս եկաւ փեթակէն, դուրսը ինչպէ՞ս էր, ո՞ր գնաց, ի՞նչ ընելու, ինչ-պէս պատահեցաւ չար տղու մը, որ մեղունին ետեւէն ինկաւ, ինչո՞ւ. եւ մեղուն ի՞նչ ըրաւ. ի՞նչ եղաւ հետեւանքը:

24. ՇՈՒԿԱՅ

— Ա՛յ տղայ, աս ի՞նչ ծանր է գրպանդ. մէջը ի՞նչ կայ.— Հարցուց մայրը Հրանդին, որ նոր էր հաներ իր հագուստները եւ պառկեր էր:

— Իմ բաներս են, մայրի՛կ, տեղը դի՛ր ու նայէ՛, որ մարդ չի մօտենայ.— պատասխանեց Հրանդը ու գլուխը կոխեց վերմակին տակ:

Իսկ մայրը պարպեց գրպանը սեղանին վրայ: Այ ի՞նչ ըսես, որ մէջէն դուրս չի գայ: Ժանդոտ բանալի մը, ծայրը կրծած մատիտի կտորներ, գուլպայ գորմը, ծելու թել, վէգեր, կոճակներ, փայտէ սլաք մը, մէկ ոտքը կաղ, երեք ոտքը չկայ. օղակներ, քարեր, եւ վերջապէս այդ ամենուն տակը Հրանդի ազտոտ թաշկինակը:

— Ա՛խ, դո՛ւն, սատանայ: Ասանկ ալ գրպան կ'ըլլայ: Շնորհքով շուկայ է ասիկա.— ըսաւ մայրը ու ի՞նչ կը խնդայ:

Մայրը կը խնդայ, իսկ տղան արդէն անուշ-անուշ կը մշմշայ:

Ի՞նչ բան է շուկան:

Ի՞նչ ըսել է՝ «սատանայ մարդ է»:

Պատմե՛ք ամբողջը առանց խօսակցութեան:

Գրե՛ք, քէ ի՞նչ առարկաներ դուրս եկան գրպանէն, երբ մայրը պարպեց սեղանին վրայ:



25. ԳԻՒՂԱՑԻ ԱՂՋԿԱՆ ՕՐԱՑՈՅՑԸ

Երկուշաբթի շրվ-տըփ,
 երեքշաբթի տաշտ կը դնեմ,
 չորեքշաբթի խմոր կ'ընեմ,
 հինգշաբթի հաց կը թխեմ,
 ուրբաթ լըւաց կ'ընեմ,
 շաբաթ օրը ծամ կ'խտակեմ,
 խկ կիրակի, ծօ՛ւ անիրաւ,
 ո՞վ բան կ'ընէ, որ ես ընեմ:

Շրվ-տըփ, շփել-տփել, այսինքն մաքրել-սրբել:

Ի՞նչ ըսել է խտակել. ի՞նչ ըսել է ըստըկել:

Շաբաթ օրը աղջիկը ի՞նչ պիտի ընէ:

Շաբաթուան մէջ աղջկան ամենէն գլխաւոր աշխատանքնե-
 րը որո՞նք էին:

Ի՞նչ բան է օրացոյցը. ինչո՞ւ համար է:

Գրէ՛ շաբաթը քանի՞ օր ունի եւ որո՞նք են անոնց անուն-
 ները:



26. Ո՞Վ Է ՄԵՂԱԻՈՐԸ



Սարդը կախեր էր իր բարակ
 թելը ծառի ճիւղէն ու իջեր էր
 վար:

Ճուտիկը, Մուտիկը ու Կոտ-
 րած-տոտիկը, Շէկ հաւիկի խեն-
 թուկ վառեկները սարդը տեսան:

— Իմինս է. — ճըւաց Ճուտի-
 կը:

— Չէ՛, իմս է. — ճչաց Մու-
 տիկը:

— Ո՛չ, իմս է. — ճըճըկաց
 Կոտրած-տոտիկը:

Ու երեքն ալ խակայն վազեցին,
 որ սարդը բռնեն, ուտեն:

Ճուտիկը վազեց՝ դեռ անփե-
 տուր թեւերը թափ-թափ տալով:

Երկար-բարակ վիզը աւելի եր-
 կընցնելով:

Կոտրած-տոտիկը վազեց՝ իր վնասուած կարմիր
 ոտքը կաղէկաղ քաշ տալով:

— Հեռացէ՛ք. — հրեց Ճուտիկը:
 Կորսուեցէ՛ք. — մշտեց Մուտիկը:

— Չեղի ո՞վ կուտայ. — վրայ ինկաւ Կոտրած-
 տոտիկը:

Իրար այնքան հրեցին, հրմշտեցին, որ սարդը ալ
 չսպասեց ու իր թելովը փախաւ վեր:

Փախաւ վեր ու վերէն կը նայէր, թէ ինչպէս Շէկ
 հաւիկի խենթուկ վառեկները կը կռուէին ու իրար
 կտցահարէին:

— Հիմա աս ի՞նչ ըրիք.— կը ճշար ճոտտիկը:
 — Դո՛ւք փախցուցիք.— կը ծըլար Մոտտիկը:
 — Իմ սարդս ինչո՞ւ հեռացուցիք.— կը արտնջար
 Կոտրած-տոտիկը:

Ի՞նչ ըսել է *անհետուր*. Ի՞նչպէս կ'ըլլայ հակառակը:
 Ի՞նչ պիտի ընեմ, որ դառնայ *հրեւ*. Ի՞նչպէս կ'ըլլայ *մշտելը*.
 Իսկ ի՞նչ է *հրմշտելը*:
 Քու մագերուդ գոյնը թո՞ւիս է, թէ՞ շէկ է: Ընկերներէդ ո՞վ
 է թույս, ո՞վ է շէկ:
 Թռչուններն ու հաւերը, երբ իրարու հետ կառնին, ի՞նչ կ'ը-
 նեն: Ատոր մէկ բառով ի՞նչ կ'ըսենք
 Կը արտնջար=դժգոհութիւնը կը յայտնէր:
 Քաշ տալ=քաշել, քաշշել:

Պատմէ՛ ամբողջը քու խօսքերովդ եւ առանց վառեկները
 խօսեցնելու:
 Սարդը թող պատմէ՛ իր փոքրիկներուն այս դէպքը. չմոռ-
 ցաս յիշելու, թէ ինչո՞ւ էր վար իջեր. եւ թէ հիմա ի՞նչպէս
 կը խնդար անոնց վրայ:
 Գրէ՛ ամբողջը դուրս թողնելով վառեկներու վէները, մի-
 այն ա՛յն ինչ որ ըրին եւ ինչ որ եղաւ:

27. ԶԻՈՒՆ ՏՐՏՈՒՆՁԸ

Գիւղացին գարի կը ցանէր:
 — Ատ ի՞նչ կ'ընես. գարին ինչո՞ւ հողին կը
 խառնես.— տրտնջաց ձին.— ի՞նչ կ'ըլլայ, ինձի տա-
 յիբ՝ ուտէի, քան թէ այդպէս կը փճացնես:
 Տէրը ոչինչ չի պատասխանեց ու շարունակեց իր
 ցանը:

— Եթէ ինձի տալ չես ուզեր, տո՛ւր իշուն: Ուտէ,
 ուժ առնէ, որ բեռցնես ու տանիս ջաղաց:
 — Եթէ իշուն ալ տալ չես ուզեր, տո՛ւր գոնէ հա-
 ւերուն: Կ'ուտեն, քեզի համար հաւկիթ կ'ածեն:
 Տէրը լուռ գարին շող կուտար աջ ու ձախ:
 — Ինչո՞ւ պատասխան չես տար.— հարցուց ձին
 նեղացած:
 — Քու պատասխանդ ամառը կուտամ.— ըսաւ
 գիւղացին:

Ի՞նչ ըսել է *տրտնջալ*:

Ի՞նչ ըսել է «*շող կուտար* աջ ու ձախ»:

Ի՞նչ ըսել է՝ *փճացնել*:

Պատմէ՛ ամբողջը, միայն այնպէս, որ այս բոլորը ձին իր
 մտքին մէջը կը մտմտայ ու կը մեղադրէ յիմար մարդը:

Յորեկի հասկը համեմատէ՛ գարիի հասկին, ինչպէս եւ ցո-
 բենն ու գարին:

Նկարագրէ՛ ամառը, հնձելու ժամանակը. հոն է եւ ձին
 տիրոջը քով. եւ ըսէ՛ ինչ պատասխան որ տէրը տուաւ ձիուն:

Գրէ՛ միմիայն ձիուն ըսածները իրարու ետեւէ, իբրեւ մէկ
 ամբողջութիւն մը, առանց ընդհատելու. ամենէն ետքը կը
 դնես սիրոջ տուած պատասխանը:



28. ԳԻՒՂԻ ԱՌՏՈՒՆ

Արեգակը դուրս է եկեր
 պսպղալով,
 շողքը երգէն ներս է ինկեր
 շողշողալով.
 ծիտը ծառէն կը կէկէայ
 ծըլւըլալով,
 ձորէն առուն կը քչքչայ
 վըշվըշալով.
 ծոյլ տղայի քունն է տարեր
 խորմբալով,
 տրեխները շունն է տարեր
 մորլտալով:

«Արեգակը դուրս է եկեր». ըսէ՛ ուրիշ ձեռով:
 Որո՞ւ ձայնին կ'ըսենք կէկէայ, որո՞ւ ձայնին կ'ըսենք
 քչքչայ:


Քնանալ ու խորմբալ ի՞նչով կը տարբերին իրարմէ:
 Շունը ինչո՞ւ համար էր տարեր տրեխները:
 Արեւու շողքին կամ շողին ուրիշ ինչպէ՞ս կ'ըսենք:

Նկարագրէ՛ գիւղի ատուն:

Նկարագրէ՛ քէ ի՞նչ բան է տրեխը, ինչէ՞ն կը շինեն, ինչ-
 պէ՞ս կը շինեն եւ ինչպէ՞ս կը գործածեն:



29. ՎԱԳՈՆԻՆ ՊԱՏՈՒՂԱՆԷՆ



Կը վազեն, խենթի պէս կը վազեն բոլորը վագո-
 նիս պատուհանին առջեւէն, տուները, խանութները,
 կամուրջները, ցանկապատերը, ծառերը, ցիցերը:
 Կը վազեն ձիերը, կովերը, ոչխարներուն հօտը,
 կարծես թշնամիին վրայ կը վազեն, կարծես յարձակ-
 ուելու կը վազեն:

Կը վազեն, հովի պէս, բլուրներուն կողերը, ան-
 տառներուն խորերը ու դաշտերուն գորգերը: Աչքդ
 գոցես բանաս՝ կը թռչի առջեւէդ փոքրիկ կայարան
 մը իր աղմուկով, իր շէնքերով, մարդիկներով:
 Կը փախչին, վագոնիս պատուհանին առջեւէն
 ամենքը իրենց կեցած տեղը ետ-ետ կը փախչին:
 Հոս ոտքը բոբիկ փոքրիկ աղջիկ մը, որ ձեռքը
 բերանը դրած մեզի կը նայի. հոն չարածիճի տղայ մը

պատուած հագուստներով, որ բռունցք ցոյց կուտայ ինծի:

Անդին կառք մըն է, որ կ'երթայ բեռցած տոպրակներով. ու տոպրակներուն վրայ երկար մարդ մըն է պառկեր ամբողջ հասակովը: Եւ կը փախչին, դողի պէս, կը փախչին ե'ւ պառկած մարդը, ե'ւ տոպրակները, ե'ւ կառքը, ե'ւ այն ճամբան, որուն վրայ անոնք կը քայեն:

Կը հոսին, գետերու պէս կը հոսին ճամբան ու հողերը, գետիններն ու ջուրերը, ուղիները, առունները, կը հոսին, օձերու պէս կը սողոսկին:

Նայէ՛ սա ջրադացը իր շուրջի ծառերուն, թուփերուն ու չորնալու համար փռած լաթերուն հետ կը փախչի. կը փախչին եւ փռած լաթերը, որոնք օդին մէջէն ինծի նշաններ կ'ընեն, ինչպէս քիչ մը առաջ չարածիճի տղան:

Եւ ամէն ինչ վայրկեան մըն է միայն, վայրկեանի մը համար, կուգան ու կ'անցնին, կ'երեւան ու կը պահոււրտին. կը կորչին ու ալ չեն երեւար:

Աշխարհքը զարմանալի աշխարհք մըն է, երբ կը նայիս վագոնին պատուհանէն:

Վագոնը համեմատէ՛ կառքին հետ:

Նկարագրէ՛, թէ ի՞նչ բան է կամուրջը:

Ինչո՞ւ համար են հեռագրի ցիցերը:

Թշնամիներու վրան նետուելուն ի՞նչ կ'ըսենք մէկ բառով:

Կայարանը ինչո՞ւ համար է:

Ինչի՞ն կ'ըսենք աղճուկ. ի՞նչ է հակառակը:

Ի՞նչ տեսակ բաները կը հոսին:

Սողոսկիլ սողալ ըսել է. իսկ ի՞նչ բան է սողալը:

Ի՞նչ պիտի ընեմ, որ դատնայ պահուրտիլ:

Պատմէ՛ ամբողջը միայն առանց կրկնութիւններու եւ համեմատութիւններու:

Պատմէ՛ լրացնելով. տղայ մը առաջին անգամ երկաթուղիով կը մամբողդէ իր մայրիկին հետ, ինչպէս անհամբեր կը սպասէ գնացֆի շարժուելուն, ինչպէս կամաց դուրս կուգան կայարանէն եւ ինչպէս զարմացած կը դիտէ ան իր պատուհանին առջեւէն վագոդ այդ բոլոր բաները:

Պատմէ՛ վերջին անգամ երկաթուղիով քու մամբողդութիւնդ միշտ այնպէս, ինչպէս որ եղեր է:

Գրէ՛ միայն կեցած տեղը ետ-ետ փախչող աղջկան, տղու եւ բեռցած կառֆի մասին եղածը:

Գրէ՛ միայն այն մասը, ուր նկարագրուած է ջաղացը, փրոսած լաթերը եւ ամէն քանի միայն վայրկեան մը տեսիլը:

30. Հ Պ Ո Ւ Ռ Ն Ե Ր Ը

Ծածուկ տեղ մը կեցեր են
ճպուռները ճոճոսան,
լուելն ինչ է՝ մտոցեր են
ու ճը՛ս, հա՛, ճը՛ս, կը ճըռոսան:

Ի՞նչ տեսակ տեղն է ծածուկ:

Ճպուռը ի՞նչ բան է:

31. ԽԵԼԱՑԻ ԵՐԵՒԱՆԵՐԸ



Քուրիկն ու Սուրիկը կ'երթային մեծ-մայրիկի տունը: Երբ հասան գետակին ափը, տեսան որ ափտակը չկայ, որուն վրայէն միշտ անցուղարձ կ'ընէին:

Իսկ մեծ-մայրիկը խիստ արգելած էր, որ ջրի միջով չքալեն ու կօշիկներն չթրջեն, որ չհիւանդանան:

Քուրիկն ու Սուրիկը նայեցան իրարու:

— Ի՞նչ ընենք, Սուրի'կ, որ մեր կօշիկները չթրջին. — ըսաւ քուրիկը:

— Ի՞նչ ընենք, քուրի'կ. — ըսաւ Սուրիկը:

Ու սկսան մտմտալ: Այնքա՞ն միտք ըրին, այնքան, որ բնաւ այդքան միտք չէին ըրեր:

— Գտայ, Սուրիկ. — ըսաւ յանկարծ քուրիկը: —

Ես քեզի կը գրկեմ, ջուրին մէջէն կը տանիմ միւս ափը ու ետ կուգամ. քու կօշիկներդ կը մնան չոր: Ետքն ալ դուն կուգաս ինձի կը տանիս, իմ կօշիկներս ալ կը մնան չոր:

Սուրիկը շատ ուրախացաւ իր խելացի քրոջը ըսածին: Եւ քուրիկը գրկեց Սուրիկը ու չըլլ'մբ, չըլլ'մբ, մտաւ ջուրը:

Գետակին կէսը հասաւ թէ չէ՝ կանգ առաւ:

— Ինչո՞ւ չես երթար. — հարցուց Սուրիկը:

— Սուրի'կ, կարծես թէ կօշիկներս կը թրջին. — ըսաւ քուրիկը: — Աւելի աղէկ է, վար էջեր, հոս քիչիկ մը սպասէ, մինչեւ ետ ափը երթամ, կօշիկներս հանեմ, ետ գամ՝ քեզի տանիմ:

— Լա՛ւ. — ըսաւ Սուրիկը ու, չըլլ'մբ, ցատկեց ջուրին մէջ, կեցաւ գետին մէջտեղը, մինչեւ որ քուրիկը դնաց ափը, որ կօշիկները հանէ, ետ գայ ու տանի:

Երբ քուրիկը կօշիկներուն կապերը կ'արձակէր, Սուրիկը ձայն տուաւ.

— Կարծես թէ իմ կօշիկներս ալ կը թրջին. Ի՞նչ ընեմ, քուրի'կ:

— Եկո՛ւր, դուն ալ շուտով հանէ՛ կօշիկներդ:

Սուրիկը, չըլլ'մբ, չըլլ'մբ, ետ եկաւ, նստեցաւ, հանեց կօշիկները:

Ետքը երկուքն ալ վերցուցին իրենց կօշիկները, քուրիկը նորէն գրկեց իր Սուրիկը ու անցուց միւս ափը:

Ու երկուքն ալ շատ ուրախ էին, որ այսպէս խելացի կերպով անցան գետակը:

Միայն ա՛ն էր գէշը, որ կօշիկները ոչ միայն

Թրջեր էին դուրսէն, այլ եւ լեցուեր էին ջուրով. եւ
հիմա նորէն հազնիլը անախորժ էր:

— Յիմա՛ր գետակը, բոլորը ան ըրաւ. — ըսաւ
քուրիկը:

— Յիմա՛ր գետակը. — ըսաւ Սուրիկը:

Ի՞նչ բաներ են գետը եւ գետակը:

Ի՞նչ ըսել է՝ անցուդարձ ընել:

Ի՞նչ ըսել է՝ Թրջիլ. Ի՞նչ ըսել է՝ Թռչիլ:

Համեմատե՛ կօշիկն ու տրեխը:

Միտք ընել. մէկ բառով մը ինչպէ՞ս կ'ըսենք:

Կանգ առաւ. այսինքն ի՞նչ ըրաւ:

Ի՞նչ տեսակ մարդն է՝ խելացի. ինչպէ՞ս է հակառակը:

Պատմե՛ այս դէպքը այնպէս, ինչպէս որ ֆուրիկը պատմեց
իբ մէկ ընկերուհիին:

Պատմե՛, ինչպէս որ Սուրիկը պատմեց մայրիկին:

Պատմե՛ դուն ֆու կողմէդ, առանց որեւէ խօսակցութիւն
մէջ բերելու. ամէն բան դուն պիտի ըսես ֆու խօսքերովդ:

Պատմե՛ այնպէս, որ երկուքն ալ անցնին գետակը առանց
կօշիկներնին քրջելու:

Գրե՛ առաջին կտորը, ուր պատմուած է, քէ ինչո՞ւ ստիպ-
ուեցան գետակին մէջէն անցնելու եւ ի՞նչ վնոեցին, որ կօշիկ-
ներնին չոր մնայ:



32. Ի Ր Ի Կ Ո Ւ Ն

Արեւը շատ էր յոգներ, շրջեր էր ամբողջ օրը.

«Հերիք է, ըսաւ,
երթամ քնանամ»:

Տերեւը ուրախ կը սըւսըւար, որ կանգ առաւ.

«Աս ի՞նչ է, ըսաւ.
ալ արեւը չի շողջըղար,
ես ալ պառկիմ քնանամ»:

Թռչնակը կ'երգէր ծառին վրայ, յանկարծ լռեց.

«Ա՞ս ինչ է ըսաւ.
ո՛չ տերեւը կը սըւսըւար,
ո՛չ արեւը կը շողջըղայ,
ես ալ երթամ քնանամ»:

Նապաստակը, որ կ'ոստոստէր Թուփերուն մէջ, ա-
կանջը սրեց.

«Ա՞ս ինչ է, ըսաւ.
ո՛չ Թռչնակը կը ծըլ-ըլայ,
ո՛չ տերեւը կը սըւսըւար,
ո՛չ արեւը կը շողջըղայ,
ես ալ երթամ քնանամ»:

Որսորդը անտառին մէջ որս կը փնտռէր, երբ մէկէն
կեցաւ.

«Ա՞ս ինչ է, ըսաւ.
ո՛չ նապաստակ ոստին կուտայ,
ո՛չ Թռչնակը կը ծըլ-ըլայ,
ո՛չ տերեւը կը սըւսըւար,
ո՛չ արեւը կը շողջըղայ,
ես ալ երթամ քնանամ»:

Լուսինը ելաւ, վար նայեցաւ.

«Ի՞նչ լաւ է, ըսաւ.
 ո՛չ որսորդ կայ որսի վրայ,
 ո՛չ նապաստակ ոստիւն կուտայ,
 ո՛չ թռչնակը կը ծըլւ-ըլայ,
 ո՛չ տերեւը կը սըւսըւայ,
 ո՛չ արեւը կը շողջըղայ,
 միայն ես եմ մուկ երկընքին
 ու իմ քէֆիս կը պտըտկիմ»:

Ի՞նչ ըսել է «չըջեր էր ամբողջ օրը». եւ ո՞ր էր շրջեր. ինչո՞ւ:

Ի՞նչ բաներու հանած ձայնին կ'ըսեմք սըւսըւալ:

Ի՞նչ ըսել է՝ «ականջը սրեց»:

«Նապաստակը ոստիւն կուտայ». ինչպէ՞ս կ'ըսեմք սովորական ձեւով:

Ո՞վ է որ կը ոստոստէ:

Պատմէ՛ք իրարու ետեւէ ինչ ըրին արեւը, տերեւը, թռչնակը, նապաստակը, որսորդը եւ լուսինը. միայն այն ինչ որ ըրին եւ ինչու, բայց ո՛չ ինչ որ ըսին:

Պատմէ՛ ինչ որ ըսին եւ ըրին արեւը, տերեւը, թռչնակը, նապաստակը, որսորդը եւ լուսինը առտուն կանուխ լուսարացին:

Գրէ՛ ինչ ըսաւ լուսինը վերէն վար որ նայեցաւ:



33. Բ Ո Յ Ն Ի Ն Մ Է Ջ



Ծառ մը:

Դաշտին մէջ ծառ մը:

Դաշտին մէջ կանաչ ծառ մը:

Բոյն մը:

Ծառին վրայ բոյն մը:

Դաշտին մէջ այն կանաչ ծառին վրայ բոյն մը:

Չորս ձու:

Չորս կապտաւուն ձու:

Բոյնին մէջ չորս կապտաւուն ձու:

Դաշտը ծառին վրայ այն բոյնին մէջ չորս կապտաւուն ձու:

Թռչուն մը:

Մարիկ թռչուն մը:

Այն չորս ձուին վրայ մարիկ թռչուն մը:

Դաշտը կանաչ ծառին վրայ, բոյնին մէջ թուխ է նստեր մարիկ թռչուն մը:

Ճուտիկներ:

Փոքրիկ ճուտիկներ:

Դաշտը կանաչ ծառին վրայ բոյնին մէջ կը ծըծըւան չորս փոքրիկ ճուտիկներ:

Թռի՛ր, մարի՛կ, թռի՛ր. պղտիկները ուտել կ'ուզեն:

Ի՞նչ ըսել է՝ «հաւր թուխս է նստեր» : Հաւր ինչո՞ւ թուխս կը նստի :

Պատմէ՛ թէ ինչպէս թոչուն մը ծառին վրայ իրեն բոյն շինեց, մէջը ձու ածեց, վրան թուխս նստաւ, ինչպէս նուտիկներ ելան, ի՞նչ կ'ընեն եւ ի՞նչ կ'ընէ անոնց մարիկը :

Մանրամասն նկարագրէ՛ այն ծառը, որուն վրայ թոչունը բոյն էր շիներ : Ձեւը, մեծութիւնը, բունը, նիւղերը, տերեւները, ինչի ծառ ըլլալը :

Մանրամասն նկարագրէ՛ թոչունին շինած բոյնը, նախապէս բոյն մը ուշադրութեամբ դիտելէդ ետքը :

Գրէ՛ թէ դաշտին մէջը ի՞նչ կար, ծառին վրայ ի՞նչ կար, բոյնին մէջը ի՞նչ կար, ձուերուն վրայ ո՞վ էր նստեր, ինչո՞ւ էր նստեր :

34. Օ Ր Օ Ր

Կախուած է ճիւղէն ճօճը ծիտիկի.
 փչէ՛, հովի՛կ, փչէ՛,
 ճօճն օրօրուի, բերէ ու տանի,
 նանի՛, ծիտի՛կ, նա՛նի :

Ծիտիկը անուշ երազ կը տեսնէ.
 փչէ՛, հովի՛կ, փչէ՛,
 ճօճն օրօրուի, բերէ ու տանի,
 նա՛նի, ծիտի՛կ, նա՛նի :

Զգո՛ւշ, ծիտիկը քունէն չարթըննայ.
 կամա՛ց, հովի՛կ, կամա՛ց,
 ճօճն ալ քնքուշ բերէ ու տանի,
 նա՛նի, ծիտի՛կ, նա՛նի :

Ճօճել կը նշանակէ կախուած բան մը շարժել, ինչպէս օրինակ ժամացոյցին սօսանակը : Ուրեմն ի՞նչ բան է ճօճը եւ ինչո՞ւ համար է :

Ի՞նչ ըսել է «նանիկ ընել» :

Նկարագրէ՛ բոյն մը ծառի նիւղին վրայ, մէջը պառկած է ծիտիկ մը, ինչպէս հովը կը փչէ, նիւղը սօսի մը պէս կ'երթայ ու կուգայ, տերեւները թեթեւ կը սըւսըւան, կարծես, նանիկ կ'ըսեն :

35. Շ Ա Տ Ա Խ Օ Ս Ն Ե Ր Ը

Ի՞նչ կ'ուզեն, մայրի՛կ, սա թոչունները :
 Առտուն կանուխ կ'արթըննան հազիւ լոյսը բացուած, արեւը դեռ չծագած :

Կ'արթըննան, կը հաւաքուին մեր սեւ թուփ ճիւղերուն մէջը, կը ճըւճըւան. ի՞նչի վրայ կը վիճեն, ի՞նչ կը կանչեն :

Ձեմ հասկընար, մայրի՛կ, ի՞նչ ունին այդքան երկար-երկար իրար պատմելու, որ չի վերջանար :

Այդքա՛ն կանուխ կ'ելլեն, այդքա՛ն կը խօսին ու կը խօսին ու չի վերջանար :

Ի՞նչ ըսել է՝ «հազիւ լոյսը բացուած» :
 Հաւաքուելուն ուրիշ ինչպէ՞ս կ'ըսենք :
 Ի՞նչ պիտի ընենք, որ դառնայ վիճել :
 Արթընցաւ. այսինքն ի՞նչ եղաւ :
 Գրէ՛ շատախօս թոչուններուն ամբողջ նկարագրութիւնը, միայն առանց մայրիկին դիմելու :

36. ՀՈՎՈՒԻ ԱՆԿՈՂԻՆՆԸ

Լեռան լանջը մահճակալ,
ջեչոտ քարը գլխակալ,
հին կարպետ մ'ալ իր կողին,
ահա՛ քեզի անկողին:

Երբ անձրեւը կը կաթկըթի,
երբ կապերտը կը պուտպըտի,
հովիւն անուշ քունին մէջ
երազներով կը ժըպտի:

Ուխտ'յ, ուխտ'յ, սիրուն հովի'ւ,
քունդ անո՛ւշ...

Մահճակալը ինչո՞ւ համար է:

Գլխակալին սովորաբար ի՞նչ կ'ըսենք:

Լեռան լանջը = լեռան կուրծքը = այսինքն հողը:

Ջեչոտ քար = վրան պզտիկ փոսիկներ ունեցող քար:

Պուտպըտիլ = բանի մը վրայ պուտ-պուտ բափիլ:

Ե՞րբ կը բացականչենք՝ ուխտ'յ:

Նկարագրէ՛, թէ հովիւը ինչպէս կը ֆնանայ: Մի՛ մտնար
իբ հօտն ալ նկարագրելու անոր ֆնացած առեմը:



37. ԱՐՏԵՐԸ

Կը տեսնե՞ս սա դիմացի արտերը. տարին չորս
անգամ հագուստ կը փոխեն:

Ձմեռը ամբողջովին ճերմակներու մէջ են:

Գարունը կանաչ կը հագնին:

Ամառուան վերջերը անոնց սիրած գոյնը դեղինն
է, երբ ցորենները կը հասնին:

Իսկ աշնան միշտ սեւերու մէջ են արտերը, իրենց
հողին գոյնը, երբ գիւղացիները գութանը խրած կը
հերկեն աշնանացանի համար:

Հողը ինչո՞ւ կը հերկեն. հողը ինչո՞վ կը հերկեն:

Փորել ու հերկել՝ տարբերութիւնը ի՞նչ է:

Աշնանը որ ցանենք կ'ըլլայ աշնանացան, գարնան եթէ ցա-
նենք՝ ինչպէ՞ս պիտի անուանենք:

Արտ եւ դաշտ՝ ինչո՞վ կը տարբերին իրարմէ:

Գրէ՛, թէ արտերը քանի՞ անգամ հագուստ կը փոխեն տա-
րին. ե՞րբ ի՞նչ կը հագնին:

38. ԱՐՏՈՒՏԻԿ

Արտուտի՛կ,
նախշուն տօտիկ,
իջնեն կալեր
գողտիկ-մողտիկ,
ընտրեն քարեր,
ուտեն կուտիկ,
կը ծըլ-ըլան
կլթիկ-կլթիկ:



Գողտիկ-մողտիկ, այսինքն գողտուկ-մողտուկ, ծածուկ, գողի պէս :

Ինչո՞ւ համար հնձած ցորենը կը ժողվեն կը տանին կալը :
Կալին մէջ ի՞նչ կ'ընեն. գիտե՞ս ինչպէս կ'ընեն :

39. ԾԻՏԻԿԻՆ ԶԱՐՄԱՆՔԸ

Քեռի Խեչանի այգին խաղողը հասեր էր : Թըռ-
չունները մեծ ուրախութեան մէջ էին : Մանաւանդ
փոքրիկ ծխտիկ մը :

Անիկա ծներ էր այդ այգիին մէջ սալորենիի մը
երկու ճիւղին մէջտեղը :

Ամբողջ օրը ան կը թռչէր ողկոյգէ ողկոյգ. հա-
տիկ մը հոս, հատիկ մը հոն, անուշ կ'ընէր ու կ'եր-
գէր :

Օր մըն ալ տեսաւ՝ գիւղացիները կողովներով
թափուեր են այգին : Հեռացաւ, թառ եղաւ ծառի մը
վրայ ու հոնկէ ծուռ-ծուռ կը նայէր :

Տեսաւ, որ գիւղացիները սուր դանակներով կը
կտրէին ողկոյգները, կը լեցընէին իրենց կողովները,
կը շալկէին ու կը տանէին :

— Աս ի՞նչ անաստուած բան է. ի՞նչ գործ ունին
այս մարդիկը իմ այգիիս մէջ. ո՞ւր կը տանին իմ խա-
ղողս. — կը մտածէր ծխտիկը զարմացած ու չէր հաս-
կընար :

Միջակ ողկոյգի մը վրայ մօտաւորապէս քանի՞ հատիկ
խաղող կ'ըլլայ :

Կողովը ինչէ՞ն կը շինեն. ինչի՞ կը գործածեն. ինչի՞ ձե-
ռնի :

Ի՞նչ ըսել է՝ շալկել :

«Ի՞նչ անաստուած բան է» . այսինքն ի՞նչ ըսել կ'ուզէ :
Ինչո՞ւ համար զարմացեր էր ծխտիկը : Ի՞նչ տեսակ բան
մը պիտի պատահի, որ մեզի զարմանք պատճառէ :


Ի՞նչ ըսել է՝ «*Թառ եղաւ* ծառի մը վրայ» :

Պատմէ՛ք է ինչպէս խաղողը հասեր էր, քէ ինչպէ՞ս եկաւ
սէրը իր մարդիկներուն հետ, ինչպէ՞ս քաղեցին, ո՞ւր տարին
եւ ի՞նչ ըրին :

Պատմէ՛ք է ի՞նչ կը մտածէր ծխտիկ մը, երբ գիւղացիները
այգին կը քաղէին :

Գրէ՛ այցիին մէջ քոչուններուն ուրախութիւնը . եւ քէ ինչ
կ'ընէր մանաւանդ հոն ծնած փոքրիկ ծխտիկ մը :

40. ՅՈՐԵՆԻ ՀԱՏԻԿԻՆ ՇԵՔԻԱԹԸ



Շէկ հաւ մը կար, քըռը կ'ընէր : Մէյ մըն ալ գը-
լուխը վէր առաւ ու կանչեց .

— Հատիկ եմ գտեր, ցորենի հատիկ : Ո՞վ կը ցա-
նէ :

— Յանե՞լ. — հարցուց կատուն :

— Իմ բանս չէ, — աւելցուց բազը :

— Յանե՛ ըն ինչ է.— զարմացաւ խողը:
 — Լա՛ւ. ես կը ցանեմ,— ըսաւ չէկ հաւը ու ցո-
 րենը ցանեց:

Յորենը բուսաւ, մեծցաւ, հասկը լեցունեցաւ ու գը-
 լուխը կախեց:

Եկաւ հնձելու ժամանակը:
 — Հասկը կախեր է գլուխը: Ո՞վ կը հնձէ.— կան-
 չեց չէկ հաւը:

— Հնձե՞լ.— հարցուց կատուն:
 — Իմ բանս չէ.— աւելցուց բաղը:
 — Հնձե՛ ըն ինչ բան է.— զարմացաւ խողը:
 — Լա՛ւ. ես կը հնձեմ.— ըսաւ չէկ հաւը ու ցո-
 րենը հնձեց:

Եկաւ աղալու ժամանակը:
 — Ո՞վ կ'աղայ այս ցորենը.— կանչեց չէկ հաւը:
 — Աղա՞լ.— հարցուց կատուն:
 — Իմ բանս չէ.— աւելցուց բաղը:
 — Աղա՛ ըն ինչ բան է.— զարմացաւ խողը:
 — Լա՛ւ. ես կ'աղամ.— ըսաւ չէկ հաւը: Յորենը
 տարաւ ջաղաց ու աղաց:

Եկաւ հունցելու ժամանակը:
 — Ո՞վ կը հունցէ այս ալիւրը.— կանչեց չէկ հա-
 ւը:

— Հունցե՞լ.— հարցուց կատուն:
 — Իմ բանս չէ.— աւելցուց բաղը:
 — Հունցե՛ ըն ինչ բան է.— զարմացաւ խողը:
 — Լա՛ւ. ես կը հունցեմ.— ըսաւ չէկ հաւը, ջուր
 լեցուց եւ խմորը հունցեց:

Եկաւ թխելու ժամանակը:
 — Ո՞վ կը թխէ այս խմորը.— կանչեց չէկ հաւը:
 — Թխե՞լ.— հարցուց կատուն:

— Իմ բանս չէ.— աւելցուց բաղը:
 — Թխե՛ ըն ինչ բան է.— զարմացաւ խողը:
 — Լա՛ւ. ես կը թխեմ.— ըսաւ չէկ հաւը, խմորը
 գնդեց ու դրաւ փուռը:

Եկաւ ուտելու ժամանակը:
 — Ո՞վ կ'ուտէ այս թարմ հացը.— կանչեց չէկ
 հաւը:

— Ուտե՞լ: Հա՛, ես կ'ուտեմ.— պատասխանեց
 կատուն:

— Ո՛չ. ատիկա իմ բանս է.— աւելցուց բաղը:
 — Ո՛չ. ուտելը ե՛ս գիտեմ, թէ ինչ բան է.— պըն-
 դեց խողը:
 — Կը ներէ՛ք. ես ինքս կ'ուտեմ.— ըսաւ չէկ հաւը
 ու կերաւ:

Ի՞նչ ըսել է՝ քնուջ ընել:
 Ի՞նչ ըսել է՝ հնձել. Ի՞նչ ըսել է՝ հունցել:
 Ի՞նչ ըսել է՝ աղալ. Ի՞նչ ըսել է՝ թխել:
 Ջաղացն Ի՞նչ բան է:
 Պատմե՛ քե՛ ինչքան մարդիկներու աշխատանքով եւ Ի՞նչ
 տեսակ աշխատանքով առաջ կուգայ մեր կերած հացը:
 Պատմե՛, Ի՞նչ տեսակ մարդու կը նմանի այս հեֆեսթին մէջի
 կատուն, բաղը, խողը. Ի՞նչ տեսակ մարդու կը նմանի շէկ հա-
 ւը:
 Պատմե՛ ամբողջը, միայն այնպէս, որ վերջը կենդանիներ-
 քէն մէկը կամ մէկ-երկուքը, ինչպէս որ յարմար գտնես, հաւի
 վրան կը յարձակի, կը խլեն հացը եւ կ'ուտեն: Ի՞նչ կ'ընէ,
 Ի՞նչ կը զգայ եւ Ի՞նչ կ'ըսէ հաւը: Եւ Ի՞նչ կ'ըսես դուն:
 Գրէ՛, ինչպէ՞ս եղաւ, որ հաւը ցորեն ցանեց:
 Գրէ՛, Ի՞նչ եղաւ, երբ եկաւ հնձելու ժամանակը:

41. Շ Ո Ւ Ք Ս

Երբեմն կը փախչի առջեւէս, երբեմն կը հալածէ ինկած ետեւէս, բայց ուր ալ երթամ՝ չի դատուիր ինձմէ, կարծես ոտքերը փակած ըլլան իմ իննեցողս. միշտ ալ սուս ու փուս:

Կը պատահի սաստիկ նման է ինծի, երբ դիմացս կը չափովս կը գծուի, կը պատահի գունդ կը դառնայ, կը կծկաի կրունկներուս ու կը քծնի:

Բայց ամենէն ծիծաղելին, երբ կը ձգուի, կը բարակի, ռետինի պէս կ'երկարի եւ գլուխը մինչեւ ո՛ւր կը հասնի. մէյ մը կը խոթէ մեր պարտէզին աւազանը, մէյ մըն ալ շիտակ հարեւանին պատուհանը:

Ո՛չ քաղաքավարութիւն գիտէ, ո՛չ մարդու օգնել, ո՛չ մարդավարի նստիլ ու ելլել: Երբ անկողին մտնել կ'ուզեմ, ինծմէ առաջ կը նետուի, նստիլ կ'ուզեմ ինծմէ առաջ կը բազմի. իսկ երբ մութ տեղ մը ինծի ընկեր կը փնտռեմ, թէ կընստ գտիր, կը պահուրտի:

Ի՞նչ ըսել է՝ «միշտ սուս ու փուս»:
«Սաստիկ նման է ինծի». ըսէ՛ ուրիշ կերպ:
Ըսէ՛ քանի մը առարկաներ, որ գունդ ըլլան:
Ի՞նչ բան է աւազանը:

Որո՞ւն կ'ըսեմք հարեւան:

Պատուհանին ուրիշ ինչպէ՞ս կ'ըսեմք:

Ի՞նչ տեսակ մարդուն կ'ըսեմք քաղաքավարի. իսկ ի՞նչ տեսակ վարմունքին կ'ըսեմք մարդավարի:

«Ցուրտէն կծկաե՞ր էի». ի՞նչ էի ըրեր:

Շունը մեզի հանելի ըլլալու համար մեր ոտքերուն կը քրուռի ու կը փաթթուի. ասոր կ'ըսեմք կը քծնի:

Բազմիլ = նստիլ:

Պատմէ՛ քեզմէ չբաժնուող շուքիդ վարմունքը:
Բացարդէ՛, թէ ե՞րբ կ'ըլլայ շուքը, ե՞րբ կ'ըլլայ երկար, ե՞րբ կ'ըլլայ կարն, ե՞րբ առջեւէդ կը վազէ, ե՞րբ կը վազէ ետեւէդ ու ե՞րբ կ'ըլլայ քովդ:

Ի՛նչի դի՛ր քու շուքիդ տեղը եւ ըսէ՛ թէ շուքդ ի՞նչ գանգատներ ունի քեզմէ. օրինակ, որ բնաւ հանգիստ չես տար իրեն, կը ստիպես որ ետեւէդ վազէ, կամ առջեւէդ փախչի, միշտ ոտքերուդ փակած մնայ եւայլն:

Գրէ՛ միայն շուքիդ անհաղաքավարութեան եւ մարդավարի չըլլալուն դէմ եղած տրտուները:

42. Հ Ա Ն Ե Լ Ո Ւ Կ Ն Ե Ր

1. Հինգ աղբար են, կ'աշխատին.
չորսը պատ կը շարէ, մէկը քար կը կրէ:
2. Թուփ մը կտաւ ունիմ փռած,
կը ծալլեմ, կը ծալլեմ, չի ծալլուիր:
3. Գորգ մը՝ թոթուել չըլլար.
ոսկի՛ համբել չըլլար:
4. Պոչը ջուրը, գլուխը կրակը:
5. Բռնեմ ափովս, շող տամ թաթովս,
մեռնի տարով, ապրի բարով:
6. Չորս ոտքը հողին վրայ,
երկու ոտքը կողին վրայ:
7. Ինքը հողին, մօրուքը շողին:

- 8. Մսէ շամփուր, երկաթէ խորոված:
- 9. Կ'երթայ, կ'երթայ, ճամբայ չկայ.
ճամբայ կ'երթայ, փոշի չկայ:

43. ԲԱՆԸ ՅԱԶՈՂ ՀԱՆՏԱԸ

Հանէսը եօթը տարի իր տիրոջը ծառայեց եւ ըսաւ.

— Տէ՛ր, իմ ժամանակս լրացաւ. սիրտս կ'ուզէ, երթամ նորէն մօրս քովը. վճարէ՛ իմ վարձս:

Ու տէրը պատասխանեց.

— Դուն ծառայեր ես ինձի լաւ ու հաւատարիմ. ինչպէս որ ծառայութիւնդ էր, այնպէս պէտք է ըլլայ եւ վարձատրութիւնը:

Եւ տուաւ անոր խոշոր կտոր մը ոսկի, խոշոր Հանէսի գլխուն չափ:

Հանէսը հանեց թաշկինակը, ոսկին փաթթեց, դրաւ ուսին վրայ ու ճամբայ ինկաւ դէպի տուն:

Երբ ան կ'երթար ծանր-ծանր քայլերը փոխելով, աչքին ինկաւ ձիաւոր մը, որ իր աշխուժ ձիուն վրայ նստած՝ ուրախ-գուարթ կը քշէր:

— Ա՛յս, — ըսաւ Հանէսը բարձր ձայնով. — Ի՞նչ աղուոր բան է ձի հեծնելը. ո՛չ ոտքդ քարի կը դպչի, ո՛չ կօշիկներդ կը մաշես, ու տեղ կը հասնիս առանց դիտնալու:

Ձիաւորը լսեց այս խօսքերը, կանգ առաւ ու հարցուց.

Ի՞նչ պէտք ունիս, ա՛յ տղայ, որ այդպէս ոտքով կ'երթաս:

— Պէտք ունիմ, — պատասխանեց Հանէսը. — բեռ ունիմ, տուն պիտի տանիմ. թէեւ բեռս ոսկի է,

բայց թող չի տար, որ գլուխս շիտակ բռնեմ եւ ուսս կը ճնշէ:

— Գիտե՞ս ինչ, — ըսաւ ձիաւորը. — եկո՛ւր փոխենք. ես ձիս տամ քեզի, դուն ալ քու բեռդ տո՛ւր ինձի:

— Ես մեծ սիրով. — պատասխանեց Հանէսը. — բայց դուն գիտցիր, որ հոգիդ դուրս պիտի գայ ամբողջ ճամբան:

Ձիաւորը վար իջաւ, ոսկին առաւ, օգնեց Հանէսին, որ հեծնի, սանձը անոր ձեռքը տուաւ ու ըսաւ.

— Երբ շատ արագ քշել ուզես՝ լեզուդ շղկացո՛ւր ու հո՛ւ-հո՛ւ, պոռա՛:

Հանէսը բոլոր սրտով ուրախ էր, երբ ձիուն վրայ նստած ազատ ու թեթեւ առաջ կ'երթար: Քիչ մը ետքը ցանկացաւ աւելի արագ քշել, լեզուն շղկացուց ու հո՛ւ-հո՛ւ պոռաց: Ձին բոլոր ուժովը վազել սկսեցաւ եւ Հանէսը, երբ խելքի եկաւ, տեսաւ պառկած էր արտը ճամբէն բաժնող փոսին մէջ: Ձին ալ բոլորովին փախած կ'ըլլար, եթէ գիւղացի մը, որ կով մը առջեւը ձգած կուգար, հասած ու բռնած չըլլար:

Հանէսը ուժերը թողվեց ու ելաւ ոտքի, բայց շատ դժգոհ էր ու ըսաւ մարդուն.

— Յիմար բան է ձի նստիլը, ան ալ այս տեսակ անպիտան ձին. ա՛լ չեմ հեծնիր ես այդ ձին: Ա՛յ, ուրիշ բան է կովը. հանգիստ կ'երթաս ետեւէն. կը ստանաս ամէն օր կաթը, կարագն ու պանիր: Ի՞նչ չէի տար, որ այդպէս կով մը ունենայի:

— Աղէ՛կ, — ըսաւ գիւղացին. — եթէ այդքան կը ցանկաս՝ եկուր փոխե՛նք մեր ձին ու կովը:

Հանէսը սիրով յանձն առաւ. եւ գիւղացին իսկոյն ցատկեց ձիուն վրայ ու հեռացաւ:

Հանէսը հանգիստ կը քշէր կովը իր առջեւէն ու կը մտածէր, թէ ի՞նչ յաջող առուտուր էր ըրեր:

«Այ ի՞նչս է պակաս, — կը մտածէր. — բաւական է պատառ մը հաց ունենամ, որ ի հարկէ կ'ունենամ, ու պատրաստ է միշտ, երբ ալ ուզենամ, պանիր հացս կարագով. իսկ երբ ծարաւիմ, կը խմեմ կաթը, ա՛յ, ինչպէս հիմա»:

Վապեց կովը չոր ծառի մը եւ քանի որ դոյլ չունէր, դրաւ իր կաշի գլխարկը կովուն տակը ու սկսաւ կթել. բայց ինչքան ալ չարչարուեցաւ, կաթ ո՛չ մէկ կաթիլ: Շատ չարչարեց նաեւ կովը, որ համբերութենէն ելաւ ու ետեւի ոտքովը այնպէս զարկաւ Հանէսի գլխուն, որ խեղճը ուշքը կորսնցուց ու գլտորուեցաւ գետին:

Բարեբախտաբար հոնկէ մարդ մը անցաւ. մասս գործ մըն էր, որ ետեւէն թելով կապած խող մը կը քաշէր:

«Սա ի՞նչ է պատահեր», — բացականչեց, օգնեց Հանէսին, որ նստի, հանեց իր շիշը, երկարեց անոր.

— Խմէ՛, ըսաւ, որ ուժի գաս:

Հանէսը պատմեց մարդուն ինչ որ գլխէն անցել էր:

— Այդ կովը քեզի կաթ չի տար. քաւթառած ա՛նասուն է. շա՛տ-շատ մորթել կարելի է:

— Ի՞նչ կ'ըսես. — բացականչեց Հանէսը գլուխը քերելով. — բայց ինչի՞ս է պէտք կովուն միտը. ես չեմ սիրեր, իւղոտ չէ: Ա՛յ, ուրիշ բան է խողի միտը, ուրիշ համ ունի. եւ դեռ երշիկ ալ կարելի է պատրաստել:

— Խաթերդ համար, եթէ կ'ուզես, եկո՛ւր փոխենք մեր կովն ու խողը. — ըսաւ մսագործը:

— Աստուած վարձատրէ՛ քու լաւութիւնդ. — պատասխանեց Հանէսը, յանձնեց անոր կովը, իսկ ինքը ձեռքն առաւ խողին թելը:

Կը քաշէր ու կը մտածէր, թէ ի՞նչպէս միշտ իր ամեն ուղածը կը կատարուէր. պատահած անախորժութիւնն ալ անմիջապէս կը հարթուէր:



Ինչ մը ետքը զէմը ելաւ երիտասարդ տղայ մը, որ թելին տակ ձերմակ ու սիրուն սագ մը կը տանէր: Բարեւեցին իրար եւ Հանէսը պատմեց անոր, թէ ինչպէս յաջող կերպով քանի մը անգամ իր ունեցածը փոխեր էր:

Այն ատեն երիտասարդ տղան շատ խորհրդաւոր ձեւերով սկսաւ աջ ու ձախ նայիլ, գլուխը շարժեց եւ ըսաւ.

— Գիտե՞ս ինչ կայ. քու այդ խողդ քիչ մը ուրիշ տեսակի է: Գիւղը, ուրկէ ես հիմա անցայ, խող մըն էր գողցուեր. ամէն կողմ մարդ էին զրկեր, կը փըն-

տրուեն: Շատ ձախորդ բան կ'ըլլայ, եթէ յանկարծ խողը ձեռքդ բռնեն քեզի: Շիտակ կը կոխեն ծակը:

— Ի սէր Աստու, — բացականչեց Հանէսը վախ-
ցած. — օգնէ՛ ինձի, դուն այս կողմերուն ծանօթ
մարդ ես. ըսէ՛, ի՞նչ ընեմ:

— Թէեւ քիչ մը վտանգաւոր գործ է, բայց պէտք
է՛ քեզի ազատելու համար. — պատասխանեց տղան.
— եկուր փոխենք մեր խողն ու սազը:

Սազը դրաւ անոր գիրկը, խեց խողին թելը եւ
արագ քեց կենդանին կողմնակի ճամբով մը:

Իսկ միշտ բանը յաջող Հանէսը իր վախէն ա-
զատուած՝ կը քալէր դէպի տուն ճերմակ սազը թե-
ւին տակ ու ինքնիրեն կ'ըսէր.

— Լաւ մը որ կը մտածեմ, այս անգամն ալ շատ
յաջող փոխեցի: Նախ՝ իւղոտ սազի տապակածը հը-
րաշալի կ'ըլլայ. ետքն ալ ճերմակ սիրուն փետուր-
ներէն կարելի է փափուկ բարձ շինել եւ վրան սքան-
չելի քնանալ: Մայրս ինչպէ՛ս պիտի ուրախանայ:

Երբ վերջին գիւղն ալ արդէն անցնելու վրայ էր,
տեսաւ կեցած է դանակ-սրող մը իր անիւին քովը:
Կը դարձնէր անիւը ու կ'երգէր.

«Մկրատ կը սրեմ, քար կը դարձնեմ,

հովուն կը նայիմ, գործ կը դարձնեմ»:

Հանէսը կեցաւ, նայեցաւ անոր ու վերջապէս
խօսեցաւ.

— Բանդ յաջող կ'երեւայ, որ այդպէս ուրախ ես:

— Այո՛, — պատասխանեց դանակ սրողը: — Այս
արհեստը ոսկի արհեստ է: Դանակ-սրողը երբ ալ
ձեռքը գրպանը խօթէ, ոսկի կը հանէ: Բայց դուն
ուրկէ՞ գնեցիր այդ սիրուն սազը:

— Այս սազը ես չեմ գնած. փոխեր եմ խողի մը
հետ:

— Իսկ խողը ո՞ւր գնեցիր:

— Փոխեր եմ կովի մը հետ:

— Հապա կո՞վը:

— Փոխեր եմ ձիու մը հետ:

— Իսկ ձի՞ն:

— Ձին ալ փոխեր եմ կտոր մը ոսկիի հետ, դըլ-
խուս չափ խոշոր կտոր մը:

— Ոսկի՞ն ուրկէ գտար:

— Ա՛, այդ ոսկին իմ եօթը տարուան աշխատու-
թեանս վարձն էր:

— Ինչպէս կը տեսնեմ, ամէն անգամ ալ բանդ յա-
ջող ես բռներ: Ձէի՞ր ուզեր հիմա ալ այնպէս ընես,
որ երբ ալ ձեռքդ գրպանդ խօթես, ոսկին մէջը զընդ-
զընդայ:

— Ատ ինչպէ՞ս պիտի ընեմ. — հարցուց Հանէսը:

— Դանակ-սրող պիտի դառնաս. ինձի պէս. եւ
ատոր համար պէտք եղածը սրելու քար մըն է. մնա-
ցածը ինքնիրենը կը ճարուի: Ա՛յ, ես հատ մը ունիմ.
Թէեւ քիչիկ մը կոտորած է քովէն, բայց վնաս չունի.
Եթէ կ'ուզես՝ եկուր փոխե՛նք քու սազիդ հետ:

— Ի՞նչ հարցնելու բան է. — պատասխանեց Հա-
նէսը: — Կը դառնամ աշխարհիս երեսին ամենէն
բախտաւոր մարդը. երբ որ ձեռքս գրպանս կոխեմ,
ոսկի պիտի բռնեմ. ալ ի՞նչ հոգ ընեմ:

Տուաւ սազը եւ իրը եղաւ սրելուն քարը: Առաւ
շալակը, ու գոհ սրտով ճամբայ ինկաւ. ուրախութե-
նէն աչքերը կը փայլէին:

«Բախտի տոպրակը հետս եմ աշխարհք եկեր. —

կը մտածէր ճամբան. — Ինչ որ կ'ուզեմ, իսկոյն կը կատարուի»:

Բարի-լոյսը բացուելէն մինչեւ հիմա ոտքի վրայ էր եղեր ու կը զգար, որ յողնած է: Անօթի ալ էր: Այնպէս որ հեռզհեռէ մեծ դժուարութեամբ սկսաւ քալել. շուտ-շուտ պէտք է կանգ առնէր. քարն ալ կռնակը ծանր կը ճնշէր: Եւ ակամայ մտքէն անցաւ թէ ինչ աղէկ պիտի ըլլար, եթէ այդ քարը հիմա իր շալակը չըլլար:

Խխունջի պէս քալելով հասաւ ջրհորի մը քովը, ուղեց քիչ մը հանգստանայ ու ջուր խմէ: Եւ որպէս-զի գետին դնելու ատեն մէջքի քարը չի վնասուի, զգուշութեամբ իջեցուց ջրհորի եղերքին վրայ: Ինքն ալ ծոցեցաւ, որ ջուր քաշէ, ինչպէս եղաւ դպաւ քարին, քարը, չըլլ'մբ, ինկաւ ջուրը:

Հանէսը, երբ իր աչքերով տեսաւ, թէ ինչպէս քարը հորին խորքը ջրին տակը կորսուեցաւ, վերցատկեց մեծ ուրախութեամբ, ծունկի եկաւ եւ արցունքը աչքին սկսաւ փառք տալ Աստծու, որ այս շնորհն ալ ըրաւ անոր ու ազատեց այդ խանգարիչ քարէն, առանց անոր խղճին վրայ բեռ դնելու:

«Ինծի նման բախտաւոր մարդ չկայ աշխարհիս երեսին», բացականչեց ան. ու թեթեւցած սրտով, ազատ ամէն բեռէ, ճամբան շարունակեց մէկ շունչով մինչեւ իրենց տունը, իր մօրը քով:

Ի՞նչ ըսել է՝ «վնարէ՛ իմ վարձս». ի՞նչ բան է վարձը, ի՞նչ բան է վճարելը: Վարձը տալուն կ'ըսենք վարձատրութիւն:

«Շունը հաւատարիմ կենդանի է». այսինքն ի՞նչ կ'ընէ:

«Հողիս դուրս եկաւ այս քարերը ժողովելէն». ըսէ՛ ուրիշ կերպով:

Ի՞նչ ըսել է «յանձն առաւ»: Ի՞նչ ըսել է «կանգ առաւ»: Ի՞նչ տեսակ բաները կը ճնշեն. ուրեմն ննչողը ի՞նչն է: «Ուշքը կորսնցուց». այսինքն ի՞նչը կորսնցուց. սովորաբար կ'ըսենք՝ մարեցաւ:

Ո՞վ է անօթի եւ ո՞վ է ծարաւ: Ինչո՞ւ համար է դոյլը. ինչո՞ւ համար է սանձը: Նկարագրէ՛ դոյլը, նկարագրէ՛ սանձը:

Երչիկ կերած ես. գիտե՞ս ինչէն կը պատրաստեն եւ ինչպէ՞ս կը պատրաստեն:

Համբերել կը նշանակէ դիմանալ ու սպասել. ի՞նչ կը նշանակէ՛ համբերութենէ ելլել:

Բաւթառ = պառաւած: Բարեբախտարար կ'ըսենք, երբ բան մը յաջող կ'ըլլայ. ի՞նչ կ'ըսենք, երբ բան մը ձախող կ'ըլլայ:

Հեռզհեռէ = կամաց-կամաց: «Խորհրդաւոր ձեւերով շուրջը նայեցաւ». խորհրդաւոր կ'ըսենք մեր այն շարժումներուն, որով բան մը հասկցնել կ'ուզենք, առանց շիտակ ըսելու:

Ի՞նչ ըսել է՝ «գողը ծակը կոխեցին»: «Վտանգաւոր գործ».

հակառակը: Ի՞նչ ըսել է՝ «դերձակուքիւնը ոսկի արհեստ է»: «Շատ հող ըրաւ». այսինքն ի՞նչ ըրաւ:

Շնորհ ընել = աղէկութիւն ընել, մեղքնալ: Հանէսը եթէ ի՞նչքան անդին նետած ըլլար սրելու քարը, իր խղճին վրայ ի՞նչ բեռ պիտի մնար:

Պատմէ՛ թէ ինչպէս Հանէսը ձիու տէր դարձաւ եւ ինչպէս յաջող կերպով ազատուեցաւ անպիտան ձիէն:

Պատմէ՛ թէ ինչպէս Հանէսը ունեցաւ իր ցանկացած կովը, ի՞նչ արկածի ենթարկուեցաւ եւ ինչպէս յաջող կերպով ազատուեցաւ այդ պառաւած կովէն:

Պատմէ՛ թէ ինչպէս Հանէսը կը հիանար իր գործերու յա-

ջողութեանը վրայ եւ թէ ինչ յաջող կերպով ազատուեցաւ վը-
տանգաւոր խոզէն:

Պատմէ՛ թէ ինչպէս տիրացաւ գրպանը միշտ ոսկի ունե-
նալու արհեստին:

Պատմէ՛ թէ ինչպէս Հանէսը կատարեալ յաջողութեամբ
ամէն բեռէ ազատուած կը հասնի տուն, իբրեւ ամենէն բախ-
տաւոր մարդը:

Պատմէ՛ շատ կարն ու ամփոփ կերպով, թէ ինչպէս ոսկին
դարձաւ ձի, կով, խոզ, սագ, ֆար եւ ոչինչ: Ի՞նչն էր պատ-
նաւը, որ Հանէսը գրկուեցաւ իր բոլոր ունեցածէն:


Գրէ՛ թէ ինչպէս Հանէսը ստացաւ իր եօթը տարուան
վարձը ու քամբայ ինկաւ:

Գրէ՛ թէ ինչպէս Հանէսը ուրախ էր ձիուն վրայ, ինչպէս
աւելի արագ ֆշել ուզեց եւ ինչ եղաւ հետեւանքը:

Գրէ՛ թէ ինչ կը մտածէր Հանէսը կովը իր առջեւէն ֆշելով
եւ թէ ինչպէս չարդարացաւ իր հաշիւը:

Գրէ՛ թէ ինչպէս Հանէսը իմացաւ, որ ինքը մեծ վտանգի
մէջ է քովի խոզին պատնասովը:

Գրէ՛ թէ ինչպէս Հանէսը յոգնած էր ու անօթի եւ ֆարը
կրելը դժուար եւ թէ ինչպէս Աստծու ողորմութեամբը ազա-
տեցաւ այդ բեռէն:



French
Barossian

Alice Barossian

French
Barossian

French

800

2093

4124

Հայաստանի Ազգային գրադարան



NL0424803

ԱՊՍԻՆ
ԲԱՐՈՑԻ

ԳԻՆ 50 ՄԷՆԹ

HAIRENIK PRESS, BOSTON, MASS.